

嘉慶廬州府志

廬州府志卷六

賜進士出身廬州府知府溫陵張祥雲主修
城署志上

廬州當南北衝要之區魏晉梁隋代爲重鎮高城深池
言地利者所必資焉自唐宋以來脩建不一慎固封守
考之不厭其詳若夫涖政臨民簿書期會厥有公廨寫
不得以傳舍視之也至除道成梁蓋藏鍵閉罔非王政
所有事茲悉臚舉之以附於篇

府治合肥縣

府城之建莫詳其始自漢末揚州刺史劉馥單馬造合肥空
城建立州治唐文宗時廬州刺史路應求始加甃焉宋乾

道中淮西帥郭振又拓其北跨金斗河爲城守臣王希呂等相繼修葺胡陟增置水關二元末城圯僉事馬世德修之有余忠宣公碑記明洪武初虢國公兪通海鑿西北濠深二丈五尺宏治中知府馬金脩其廢缺周四千七百有六丈高二丈有奇厚四丈有奇斂八尺城東濠深一丈九尺長四十三丈西濠深二丈五尺長二十九丈五尺南濠深二丈三尺長三十丈北濠深八尺長三十五丈城門凡七竅二曰威武曰時雍南二曰南薰曰德勝西二曰西平曰水西北一曰拱辰水關上跨水西下跨時雍爲金斗河流出入處正德中知府徐鉅聞盜警慮水關難守乃築埭以障之導水遶外濠以會于河郡址西南高而東北下每

春夏之交河流汎溢則東關受害爲甚正德中霪雨城圯知府向文璽脩之有喬宇碑記嘉靖中知府張瀚疏河流以殺水勢萬歷中知縣胡震亨復建牖以防其涸民甚便之崇禎乙亥知府吳大朴築石壩于東水關外其南建敵臺以拒賊壬午流賊張獻忠從西門三舖灣襲城雉堞盡燬皖撫史可法督知府周有翼知縣黃鍾鳴完葺如故

國朝雍正元年知縣李月槎又捐俸修之乾隆二十八年知縣陳大中重脩有知府王宓碑記嘉慶五年知府張祥雲督知縣左輔詳請修葺逾年工竣

元余闕修城記至正十一年寇起淮南自浙西江東西湖南北以及閩蜀之地凡城所不完者皆陷合肥之城久圯且夷倉卒爲柵以守柵成賊大至民賴柵以完其後僉憲馬君至願而曰以柵完民幸也非所以固迺白

皇孫宣讓王及其憲使高昌公議修其城遂發公私錢
十萬貫召富人之爲千夫長百夫長者備小民相故所
圯夷盡築之富人得官發錢無甚費咸喜助所不足小
民方饑得傭錢奔來執事馨鼓不設鞭朴不施拷柴荷
畚廩至競作自十三年二月朔戒事九月畢城四千七
百有六丈六門環爲睥睨設周廬具飾器門皆起樓櫓
相盜所必攻者甓之計用木若干甍四百四十八萬用
人之力七十七萬八千城成而盜不至者今期月矣余
生長合肥知其俗之美與夫所不從亂而可與守者有
三焉其民質直而無貳心其俗勤生而無外慕之好其
材強悍而無孱弱可乘之氣當王師之取江南所至諸
郡望風降附獨合肥終始爲其主守至國亡乃出降天
下旣定南人爭出仕而少不達則怨議其上而不可止
吾合肥之民布衣蔬食秀者治詩書朴者服農賈昏喪
社飲合坐數百人無一顯者無少疾怒不平之色驅牛
乘耒雞鳴而耕朝而息日昃而耕暮而息不合耦而終
百畝負二石之米日中趨百里而無憊容惟其質直而
無貳心故盜不能欺勤生而無外慕之好故利不能誘
強悍而無孱弱可乘之氣故兵不能怵昔者木柵猶足
以力戰禦寇而無肯失身於不義者今而得賢使君修
其垣墉救其疾苦肅持撫摩以與民守之而民之與君
又歌舞愛戴與君共守如子弟之於父兄手足之於頭

川然自今至於役日是雖無盜有亦不足憂也君前爲庸田僉事城姑蘇今憇淮南又城合肥一人之身而二郡之民賴之以有無窮之固樞者之利不其溥哉若名世德字元臣也理可溫國入由進士第歷官應奉翰林文字樞密都事書中書檢校庸田僉事爲今官與余前後爲史氏城又余之所志而未成者也義爲紀之其敢事

與凡僕役之人則載之碑陰

明揚循吉記府城之建在昔莫詳其始當是廬子有因

以來所築在春秋時屬舒爲楚與國楚嘗稱霸而魯哀

公十二年公會吳於橐皋橐皋廬近地也當時宗盟會

同之盛其來尙矣秦併六國置九江郡廬以列城爲合

肥縣漢與因之多屬王國東都以來食於徽侯自獻帝

建安五年曹操以劉馥爲揚州刺史使安輯東南時漢

刺史治在壽春已爲袁術所據馥顧合肥有空城乃單

騎馳入建州治招來流亡爲據居守及孫氏國江東數

圍合肥操乃以張遼爲將備之遼出奇計用八百人破

權兵十萬威名震一時實在此城旣而益增兵爲重鎮

明帝時龍元年以滿寵都督揚州諸軍亦鎮此太和六

年寵以城近水權兵往來得便乃疏濬移西北三十里

以蔽之名曰新城今雞鳴山有故城是已終權之世嘗

爭新城竟無功而魏與吳皆以此爲重晉室旣東元帝

以祖遜鎮合肥於是又爲重鎮大興二年秋七月又以

戴淵為征西將軍督六州鎮合肥自是梁陳皆用爲鎮
以距北虜者凡五代而梁武帝始即合肥置汝陰郡及
南豫州又改合州以韋叡爲守魏人畏之如虎不敢南
犯然其城新舊無考唐制合肥縣在廬州西北三十里
卽新城可知而州自爲城不以縣附疑當時故城尙存
初不廢也然古城皆土築不發貞元中露應求爲刺史
始加號州城歷五代至宋皆州治高宗紹興四年立降
府禦金人名將張浚劉光世楊沂中劉錡相繼屯守光
世嘗與劉豫子麟戰於城北藕塘沂中錡亦及兀木戰
於城東拓皋悉敗之卒無所侵皆是城也孝宗乾道間
郭振以奉國軍承宣都統制帥淮西始以鎮大城小關
展令大卽今城是蓋已非復古遺規矣厥後守臣若王
希呂陳規胡舜陟杜庶相繼修葺度宗時以夏貴爲淮
西制置使知廬州俾守楊羅堡備元將伯顏貴棄師還
州城屢詔不出竟降於元而城以貴辱淪於元者將百
年至正末兵起城圯甚倉卒爲木柵以守淮南僉事馬
世德白其帥國族宜讓王及憲使高昌公發公錢十萬
貫盡修所圯未幾爲左君弼僭據天兵來征圍兩月不
下會陳寇軼境引而東於是僉通海以巢湖水寨先詣
和州歸附我師隨收廬君弼棄城遁去時國初歲甲辰
就立江淮行省以通海爲平章攝省事既而獲君弼以
爲廣西右衛指揮僉事

明潘鏗閉水西關記盧陽古重鎮自三國時爲吳魏之所爭至宋南渡立帥府先是城皆隸金斗河爲濠宋乾道間郭振帥淮西以鎮大城小遂展拓之跨於河而立水關二我朝魏國公俞通海因之鑿西北濠石骨深二丈五尺正德初蕪州六安劇盜劉六七等起所過屠城而南時武昌徐公鈺起廢守廬州調兵食修武備設險要募礮張者無虛日一旦行至水關相其勢不可守謀諸寮佐將塞之而導水爲外濠以自固衆有難色會有善郭氏術者亦曰水宜從龍今河勢穿中城而直下堪輿家謂之水破天心法所甚忌塞之便於是分財用平版幹稱畚築略基址搗厚薄量功命日不愆於素高凡若干尺廣若干尺長如高之數而贏若干尺不匝月而工告成濠水遠城外垣而悉會於威武門外之河更礮石脊如窳疊級以衛衝齧之患未幾寇至果以備嚴不敢犯遁去僉謂不可無紀竊惟春秋凡用民力必書其所以興作雖時且義亦書見勞民爲重事也故曰龍見而戒事火見而致用水昏正而戒事日至而畢時也鐘聞之汾水可以灌安邑絳水可以灌平陽而晉陽之不浸者三版韋廉蝦泥水以灌合肥梁武堰淮水以灌壽春景傳欲堰泗水以灌彭城水之能病人也尙矣然雜鳴山實源所自發當積潦暴漲轟雁矢法聲如萬雷嗣是

廬州府志卷六

城署上

四

者尙時加葺以導其勢焉毋激之怒而或墊民居也公
嘗持節交趾至今夷人猶仰風采爲御史累有建白劾
中貴人竟坐是廢於家其守郡也察寃滯祛宿蠹鋤豪
右姬煦小民人比之召父云
明高誨廬州府修城記廬州介江淮間自春秋秦皇之
會以巢取舒屢書不絕漢興爲重鎮魏武東置視爲必
爭地終權世固之竟無功而梁堰淝水以灌下邑金人
以八十萬衆四面攻擊皆是城也凡奉符茲土者有守
與不守其勢在城而其機則在人也故張濟之築郭振
之展胡舜陟杜杲之修皆欲恃以地利職此我國家不
平百四十年來民不知兵凡千盾戈矛之屬有老死不
知爲何物者其視城池之爲用漠如也宏治丁巳孔布
以妖術嘯聚濠梁南境前太守馬公視城弗完者舉新
之至是又十有五年風雨摧毀日復湮塌正德庚午大
盜起霸州擁衆十餘萬山東河南所過城邑不守者十
已七八當國者恆議淮西以廬壽歷陽爲表則建業姑
孰得以襟帶咽喉之地恐不可扼適廬守員缺僉以武
昌徐公當之公初以名御史忤中貴坐廢至是復命下
璣檄授太守符券刻期就道至則視篆方三日卽循城
壘周垣計其傾圮五十六處總二百丈有奇而北濠更
淤淺不滿加以樓櫓蕪落駭謂諸帥曰今日何時也而
顧城池不治若是乎於是屬役賦丈召工匠以營其徒

蕭之計財用之慮餘糧之書悉有定法以辛未秋七月始作而以王申春二月告成他如葺器械操矢石治溝塹立砦隘塞水閘咸以次舉行未幾月餘而賊至以城固不致犯遂去攻破定遠極其殘滅雖大軍蹙其後彼方隳志弗顧嗚呼城之不完受禍獨慘而後知功之在城也雖然方城漢水楚非不固也而入郢之師如蹈無人之境形勢果足恃乎亦惟在乎人而城不足已使城備而守以非人不過爲虛器既得人而城不足已使城備而爲徒搏均有賴焉昔豨豨之難而城彼東方則有山甫之二臣者所以卒成蠻荆之難而城彼東方則有山甫之二臣者所以卒成攘外安內之功蓋有在矣予故曰勢在城而機在人也郡伯其以之賊既平復置沿城更舖四十六所城東北二門弔橋各一暨馬道水柵若干座廬民德之有南仲山甫之頌鄉耆葛隆陳清暨士庶杜寬楊緯輩磨石徵言以識其事君子謂是役也在春秋亦當書之子敢掇其修城大率以紀歲月

明喬宇廬州府修城記國家統一海內兩京並置畿輔之郡郡有治有屬有城郭封疆山川宅里人民政事則屬之守以總理之佐若屬以分理之廬州古有舒地漢爲廬江國隋改廬州唐宋以來因革不一我太祖高皇帝定鼎金陵以其地襟帶淮右爲西南重鎮置廬州府因高爲城濬深爲池美哉萬世金湯之利也乃正德丁

丑夏某月霖雨決旬廬州城圯自某至於某以尺計者
凡若干自某至於某以丈計者又若干晨門以告郡守
向侯文璽曰城所以宿兵守民渙而二之衆而受之匪
城村依此而弗圖烏在其爲民上乎且兩陰象也洪範
傳曰貌之不恭厥罰恒雨咎徵之應卿士師尹有專責
焉守去民近則其澤易流其徵亦易見修之人以時修
之天者吾之責也遂大布令而城之圯者以時修
之量力定籍分番迭作聽政之暇躬蒞其勤惰而勸懲
之補缺爲完益卑爲崇民皆子來不越月而功告成雉
堞垣墉雲擁山立郡視以雄而民視以無恐郡人士聚
觀其老者曰吾長斯地凡幾見其圯而修矣修之而
費溥而勤民以傷也吾瑯瑯猶隱在焉少者曰自吾守
之修此城吾不聞有持爨夜呼以發吾窾里胥按籍以
繳吾財者而固乃若此可恃以永矣太學生李信輩狀
其事請紀其成子曰爲政有體有要得其體要則簡而
易警勞而永逸此類是也書曰有備無患易曰王公設
險以守其國而莒城不備春秋示警侯立先事之常周
嚴無虞之戒知所以爲政矣夫惡勞喜逸人情之常周
之書役民者曰丕作曰和會曰播民和今侯是役工巨
利遠民若甚歡又思以永之觀於其役驗於其政民必
和矣諸生曰吾侯勤慎精敏孤慈幼除暴植良惟日
不足其他如修學校葺壇壝繕公署之類皆彰彰可書

此特舉其大者兩子因併書之以俟來者有徵焉侯字

國信以戶部郎中擢守茲郡湖廣宜都人

明張拱垣吳公建勳敵樓碑記節略余郡爲陪京門戶

陵寢咽喉寇一歲兩憑陵焉郡守吳公兩禦之皆獲勝

算臨機制變出奇無窮諸如回風返火除奸定亂奇能

異猷未可以一二悉數也城西南形勢突兀嶽嶮潦復

寬深賊不敢仰窺獨東北一帶地脈平衍濠水直注巢

湖汎漲於春夏洄瀉於秋冬往往爲賊所必攻之處公

築堤於水關之東設敵臺於堤之南使相應如左右手

鳩工庀材役不易舉公則身肩是任不辭殫瘁簡農衙

祁公諱延安者前辦賊屢有殊功工之巨小命督焉子

衿郁鄉李先口捐貲禦寇公爾忘私命之持籌總理焉

口口李日新姚學閔等命之効勤游渠焉公則謝政事

日臨其處指畫鼓舞告諭成勤務盡其事而後卽安是

役竣而城之東北屹若金湯闔郡之生靈賴之矣後之

來守茲土者踵事爲功坐安磐石萬世之生民永賴之

矣公諱大朴號澹元起家固始中王戎春榜

邑侯李公修城碑記王者辨方正位分職蒞官凡以爲

民也爲民者若錢穀若刑名日戾不遑焉問其他哉然

使保聚不完寇盜不杜欲吾民安居而樂業勢必不能

故古之時必設險以守其國若易戒重關詩稱維翰而

城耶城郭城中邱春秋城署上六

天子

先於此者矣。況廬郡爲大都，會東連吳越，西控汝光，南通楚豫，北接開歸，實當周道。子午衝掇，其藩籬則將四面受敵，保障之功，顧不亟與？邇年以來，阨荒石泐，譙櫓關瑯，蹊徑交錯，可履而上。此其故何也？一官如寄，視同傳舍，苟喜成未加於心，且與秦越人之肥瘠等耳。幸我邑侯李公奉簡書來守茲土，慨然曰：廬城垠井萬家，而繚垣弗飾，若處漏舟，非余之責，而誰責乎？顧版築之興，勞與費俱稽，諸經制則無名，問之蓋藏，則鮮實計。將安出？適有以勸輸之說進者，公曰：歲方凶，祿邑之人，買遷不暇，縱心焉，慕義如汲，長綆短何，徐寧飲冰，茹藥捐薄，俸以圖竣事可也。嘗

踐祚之元年，農事甫休，公乃練時日，構木石，命工師，準水槩，相其傾圮者，更新之，罅漏者，補葺之，至南薰拱辰諸門，戊樓久廢，概命增修，以爲巡邏防禦之備。規撫預定，不三月而工已告成。於是紳士耆老，相與瞻眺其上，見夫雄堞嶢嶢，商賈輻輳，炊烟四起，厖吠無驚，皆我公之心曲所致也。又見夫龍起蟻伏，曠天低山，氣鬱蒼湖，光浩淼，皆我公之德輝所被也。莫不感激泣下，而談焉，肆則民安，以輔荒政，則因工而獲食，以固封守，則思患而預防，一舉而數善備焉。爰勒諸石，用誌公於不朽云。

公諱月槎，號漢仙，奉天人。

郡守王成重修城垣記

子御極二十有七載大中丞託公撫皖及期民和衆協

百廢具舉尤念設險罔圍為保障斯民之要務所轄各

邑城垣歲久傾圮不下三四十所日與制軍尹公圖修

復之而難於經始會大方伯許公狗民之請願納貲於

官請給六品以下頭銜至冠帶榮身有差而斂其貲供

城工之用牒上兩公會疏入告

天子允行於是皖屬三十四州縣先後鳩工合肥與焉迄二

十九年甲申仲冬邑令陳君以落成告且曰吾乃今而

後始釋擔荷也乞以一言記之余廬守也雖衰老無文

庸敢辭夫合肥故廬附郭也襟江帶湖而阻長淮控渦

潁廣濶須抗瀾皖水陸交衝往來輻輳蓋天下之中而

四塞之要地也地要則堅壘崇墉之岸衛枝他邑為尤
急而修築之舉工鉅費繁較他邑為尤難何則考舊志
城週遭凡四千七百丈有奇高二丈門七自漢末創造
至唐路刺史加甃馬歷宋元明仍其制崇禎末史閣部
督守令補繕以至於今百二十餘年來田疇日闢生齒
日繁室廬日廣而城之日就頽壞者牛羊芻牧等諸周
行斷壁無存基址半廢以四千七百餘丈之舊規脩復
於百二十餘年從未葺治之後雖刻意撙節而計工估
費已甲於皖屬各邑矣矧縣皆沙土不宜陶甃今即百
工競集拉乏陶人四野平陽林麓絕少凡架高之木植

城署上

城署上

二

供密之柴薪皆非所產於是顧匠役運舟車多取給於隣壤力益不支起視閭閻能必其輸將悉後乎委用胥吏能必其誠實無欺乎方中丞令行之始陳令與余怒焉憂之既訪邑之紳士耆老始若踴躍奮興謂吾民自此有備而私相計議僉慮有終之匪易易事也今乃金湯鞏固成屹然之巨觀其長悉遵舊制高則二丈外加以雉堞至五六尺許水關哈河城樓馬道罔不煥然是役也糜白金十一萬四千三十餘兩多出於本邑之接例納貨及好義樂輸者蓋庶俗素稱淳美余忠宣公有云單食豆羹不以自私百斛之粟數千百緡之錢可一語而備具其勇於爲善之概自昔已然而董斯事者之悉力勾稽殫心籌畫殆非一朝一夕之故由是用民而民胥悅用財而財不耗追呼無事善鼓不聞而漸次以底於成余既爲斯民幸其有備而進撥厥由實惟吾

國家

列聖相承德洋恩溥久道化成又簡任忠勤之輔出典封疆

承

天宣化運籌鈴閣之中措民衽席之上風行草偃遐邇交孚

用勵勤事之庶司齊急公之獻志以脩舉百餘年廢墜

於一旦俾迂拙守臣得從容袖手樂觀厥成寧不慶遺

逢之獨盛哉余滋廡計八載餘矣守臣六年秋滿例當

述職於

朝以憲府雷督茲役咨部詩緩兩載以來釐網晰目口課
以程譬諸篙工能師同舟相濟要皆分內當盡之職殊
無足錄云維時制軍尹公今拜武英殿大學士名繼善
字元長中丞託公名庸號俟齋竝滿洲鑲黃旗人方伯
許公名松佶號青崖福建閩縣人督脩郡守則王歲字
輯青江蘇鎮洋縣人也承修官合肥令陳名大中號虛
齋江蘇江陰縣人例得備書其價催執事各官竝載碑
陰焉是爲記
郡守張祥雲迴風樓扁額跋明贈太僕固始吳公大朴
由無錫令遷知廬州崇禎乙亥春賊薄城下已登陣公
發大礮殲其渠魁復縱火焚城外民居之爲賊窟者時
烟燄乘風撲人面公向風拜竄風即返因區其額曰迴
風樓事詳郡志又公先官江右時值河渠水瀑漲漂沒
民居禱於神而水退有退水碑記其事蓋一誠之感如
響斯應士大夫苟心乎國計民生於事必有所濟况公
之精誠薄雲霄而貫金石哉公元孫今翰林院編修烜
與余同舉進士得悉公政績家世最詳編修子又入翰
林蓋天之報施善人不爽如此余於嘉慶己未春來守
此邦修輯郡志攷其遺址見舊額漫漶因重新之而記
其事於後俾郡人士景仰遺徽知公之能以誠格天捍
衛吾廬民者其事足垂不朽云時嘉慶壬戌孟秋

府署在府治合廳縣

府署本宋元舊址明洪武三年知府潘傑勅建正統元年知府揭稽重脩成化間知府楊永明闢門爲三知府葉盛建譙樓宏治初知府宋鑑修葺視舊制稍加十二年知府馬金增築廳事後爲川堂發宋馬忠肅公石刻于亭下額曰景賢後又刻包孝肅公詩于屏易名清直堂後爲恩澤亭後堂三楹知府宋鑑建額曰歲寒北爲三至堂宋陳堯佐三守廬州時建葉浹有記後馬金自通判至專守三任廬州易名三錫楊一清有記又北爲內宅正堂兩翼爲吏廨前爲戒石亭爲儀門門之左舊爲清軍廳廳前爲寅賓館明同知白希珩有記館南爲司獄司爲禱神廟門之右爲

通判署經歷署舊有理刑知事照磨庫官等署又前爲太
門門內左右爲榜廊門外左有旌善亭儀仗庫申明亭右
有瘴惡亭正南一坊題曰江北上郡後易江淮首郡左坊
曰容保後改師帥右坊曰作新後改承宣

國朝順治十三年知府王業興重構府治嗣是乾隆四十九
年知府吳斐龍捐廉脩葺嘉慶五年知府張祥雲捐廉重
脩規模棟宇視昔爲完整云

明楊一清三錫堂記堂曰三錫廬州府知府西充馬君
汝礪之所建也何言乎三錫彰天寵也郡故有朱陳堯
佐三至堂以嘗三守廬而名汝礪初以刑部員外郎左
授廬州府通判遷同知進知府六七年開寵命三錫焉
此堂之所由名也取其意不襲其名者堯佐初知壽州
改廬屢去屢復未嘗久於其任若汝礪之在廬不離郡
治三易銜名祿增秩進恩非常格故曰錫蓋取諸易王
三錫命之義也師之九二一陽在下爲衆陰所歸上應

於五爲所信任故有三錫之寵然其象固曰君子以容
民畜衆則臣之得君非可倖致貴有以及民得乎民斯
得乎君矣今仁聖御極容天下之民畜天下之衆而守
令者又奉天子明命以各容畜其郡邑之民若衆者也
爲守令而不能容畜其民顧從而虐之盛罰將不免加
乎其身而又何錫之有汝礪以朝臣出佐郡能急撫字
績效焯焯而容畜之政爲多民歸之部使者旌之天子
聞而錫命至於三俾不改厥地以徇其民是汝礪三受
命與堯佐同而其所遭際異矣堯佐汝礪同鄉人父省
華起太子中允厥歷鄭監兄堯叟弟堯咨先後舉進士
爲良吏爲名從臣一時稱貴盛族者莫加焉汝礪之父
學士公良佐文學行操蔚有時望弟倫亦舉甲科爲
考功主事一門貴顯且自今日始其所樹立所成就將
竄古大賢名儒間域陳氏父子昆弟足云乎哉師之上
六開國承家功之成寵之極也漢守相稱職入爲三公
而今臺省重臣亦多拔自郡牧之有治行者吾聞汝礪
爲郡守異蹟尤多嘗以歲旱請禱澍雨輒應大夫士歌
之至今尙益自培植以求底勤民之成績哉大君有命
吾不得爲虛之人雷矣

明自希府重建清軍廳記今天下佐政千里者與有民
社之寄治民事神理則一也襄其神無乃慢其民乎清
軍廳舊迤土地祠前爲寅賓館又前爲獄司統一外門

往來者澗而褻余慨然欲易之歲癸酉秋請於郡長豫
齋吳公公曰可顧基地湫隘得揮使汪侯以左隙地輸
馬余捐俸若干金六安守焦君子春納工費若干金合
肥令胡君時化督尉郭文星鳩工庀材新神祠於左寅
賓館於右各爲門以開之獄司旁一小門無復洞且麤
者移舊廳稍東爲自公之所因祠基隙地建廳堂者三
廳西房七卷房二以貯書史東厦三以駐胥徒下爲左
右級中爲甬道有椿一柏一其榦挺然其色蒼然直凌
雲漢若有以符居者愛君思親之意余題其上曰忠愛
曰青天白日矢吾志也內曰正如我心端吾本也外曰
分缺千里陳吾力也前列屏垣以蔽祠館而大門西向
以輔於堂規制視昔加敞焉夫思一日之葺破拘孿之
義非敢謂得制也事神治民之心其少慰也夫居斯廳
者職專清戎兼理獄務仁如青州寬如晉陽明如渤海
廉如關西剛正如龍圖庶其增輝此廳乎余非敢曰能
之望後之君子是爲記萬歷三年季夏望日

明歐陽德廬州府題名記國家畫地理民司府州縣大
小相隸而織輔諸府直隸京師重王畿也官之長曰知
府總統要會而同知通判推官分職圖功以爲之貳上
不侵細下不憚煩同心一德如身手背指之運是以政
父而民康時降詔乘上下志晤於是有所專擅之忌侵撓
之嫌有冗散之厭叢脞之疾譬之操舟橈櫓帆檣篙工

抱師不相用謀雖狂奔盡氣無救於胥溺矣舉陶曰同
寅協恭和衷茂盤庚曰若網在綱有條而不紊古之善
則也豈弟君子以殷邦阜民爲心鑒戒存而理道得矣
廬州南畿輔府地大民質可與爲理異時長貳竭才智
懋功勞要其心志睽協而綱紀教敷由之失得之閒理
效殊致後之人所宜詞今昔之故究善敗之端然而其
冬罔聞其實曷從稽焉燕谷王君汝節守廬嶺前守高
君之緒始樹石題名屬記刻之君端潔敏練刻滌蠹弊
畫建便宜敷豈弟之政舊所廢學次第規恢闕遺未備
自我作古是舉猶非其大者然揚往哲而身比之仰思
紹烈簡思垂休亦足以知其志之所存矣嗟夫協寮宣
力惟和惟序綱舉目張之道同舟共濟之功嗣茲土者
亦將有感於斯焉由洪武庚戌以來若干年知府呂君
文燧而下同知詩君榮通判張君從進推官萬君仲寬
而下貫址科第除拜遷擢歲月屢歷咸備來者無窮虛
以俟之

王歲廬州府知府題名碑記前事者後事之師也凡事
盡然而況於治行之彰彰者乎漢班固之敘循吏也曰
氓氓羣衆化威良吏淑人君子時同功異夫時旣同矣
功何以異良以風土物情各有所宜寬猛競練非可拘
於成迹而要本於法良意美循聲著乎當時遺愛垂乎
沒世則其所以致治之道究豈有殊術哉師其道不師

其迹此後先君子所以分途而合轍也按廬秦漢屬九江後稱淮南稱廬江唐始稱廬州官則漢曰太守唐曰刺史宋曰知州事明曰知府事歷代名官如漢之王嘉宋均盧植羊續陸康服虔晉之毛贛桓伊唐之羅珣李翱宋之陳堯佐馬亮包拯傅堯俞明之揭稽馬金龍詔吳嶽張瀚屠仲律馮聖世劉應召聲施爛然功德表著今其人半列國史其所樹立有不獨在區區一郡者矣

國家重熙累洽簡賢任能考課綦重郡守表率州縣官以承流宣教廬卽地非繁要俗猶儉質然馴刁悍與禮讓滌煩苛舉廢墜政平訟理一百二十餘年優柔涵濡以迄於今其間寬靖若趙吳簡肅若王聶廉明慈諒若張馮數君子正班史所云時同功異者也流風未遠古制猶存究何莫非追法前賢以共襄景運者乎而余之承乏茲土也緬厥芳型蓋不勝目識而心儀之爰稽國朝郡守勒名於石有明以前詳誌傳不復載者乾隆三十一年丙戌仲秋月

萬壽亭在府學東乾隆二十六年知府王歲建

督學試院在南門大街西書院巷順治中知府崔允宏建

廬鳳道舊署在馬神廟東今廢

通判署在府署西

康熙志有府南公館在府前巷通判徵糧於此馬政公館
宋少保馬亮故宅成化閒通判董序建後改下察院又有
上察院在府東中察院下察院俱在和平橋今並廢

府儒學署見學校

廬州營都司署在前街

廬州衛署在府治東相傳其地爲張遼府迄元時爲江淮行
省明洪武元年改合肥衛十三年改廬州衛今在和平橋
西爲元閔尙書園亭明以賜指揮使褚某者闢十餘世復
還之官爲中察院

國朝順治間守備劉旭詳請以爲衛署

演武場在拱辰門內有演武廳三楹後廳三楹揖讓堂三楹
東有廂房

軍器局舊在臨淮坊

火藥局在教場東乾隆四十四年建

合肥縣署在府治西

本余忠宣公宅明洪武三年知縣張義改建宏治間知府
宋鑑開拓舊基移監獄於治內西南隅宅廨楹數詳見縣
志

縣丞署在前大街舊在縣西明季兵燬乾隆五十二年買民
房作署

縣儒學署見學校

典史署在金家巷舊在縣署西明季兵燬乾隆四十五年買民房作署

城守把總署在南門大街買民房作署

稅課司署在鎮淮樓後明萬歷間職裁署廢

陰陽學在府學東南今圮

醫學在府治前南街

僧綱司在明教寺今廢

道紀司在白鶴觀今廢

金斗驛舊在府治東關外崇禎間燬於兵後移府署後

國朝承明制知府管乾隆十九年改歸合肥縣經理詳見驛

傳

東關公館在威武門外

護城公館在城東北九十里護城鎮

館驛公館在城南四十里派河驛

店埠公館在城東四十里店埠鎮

八斗嶺公館在八斗嶺鎮

梁縣公館在梁縣街

永豐倉在府城隍廟西北知府宋鑑造現貯常平倉穀

預備倉在縣學南今改廬陽書院

惠民倉舊係府倉在小東門大街乾隆三十年以存貯穀石

歸併縣倉今倉屋尙存

內倉卽小惠民倉在金斗驛西分貯常平倉穀

常平倉在東門外今廢基址尙存

收漕倉在縣治東

海寧倉在東關外

社倉五本仁在東鄉騎龍集宏濟在南鄉三河鎮廣義在西

鄉青陽鎮惠濟在北鄉店埠鎮博愛在北鄉梁縣鎮

薛之佐義倉小引余嘗考義倉之設始於隋開皇五年
度支尚書長孫平令民間每秋家出粟麥一石以下貧
富爲差輸之當社委社司檢校以備凶年可謂善矣而
前乎此者李暹創爲平糶法中飢發中熟之所斂大飢
發大熟之所斂貴時減價而糶以利民名曰常平此義
倉之嚆矢也而後乎此者唐貞觀之金帛周世宗之
貸粟均不足取惟宋朱晦庵建立社倉卽祖常平之一
法故明令州縣各設預備倉又祖社倉之遺法此義倉
之脫胎也法何常不良意何常不美古今人何常不相
及而奉行不善一經奸胥猾吏之手有乾沒之弊有符

報之弊有侵欺之弊有那移之弊經此數弊而義倉徒
有虛名矣間遇凶歉小民豈得沾實惠哉故胥吏不去
則漏卮不塞奉行不力則根本不清是在奉行之善耳
國家軍興以來凡所設施無非軫恤斯民疾苦一遇歲
飢非發帑賑濟卽設法捐輸可謂至矣而糧糶旁午不
足於軍儲早潦薦臻不止于一所議發無量沙之策議
賑無點金之能此政兩誡之時也余忝承乏茲土下車
之初卽奉憲檄出賑單車就道日擊鳩形鵠面之衆半
菽不飽攜老挈幼號呼道旁者不絕其轉於溝壑者中
途而僵者又不知凡幾惻然心憫焉且墟里蕭然樹皮
皆盡欲望隴西之竹花洛陽之木酪亦不能得義倉豈
可不復哉雖然因時制宜酌古準今又自有法則簽報
決不可行也曰勸民樂輸自一右以至於一斗唯其所
報富者多輸聽從其便亦弗與強則新倉決不可立也
曰鄉自爲倉每有捐輸卽付鄉約弗得經胥吏之手由一
八擇公所貯之莞輪卽付鄉約弗得經胥吏之手由一
鄉而推之一邑由一邑而推之一郡令飢饉有備弗至
失所雖不能仿古耕九餘三之意而捐之內廩藏之外
庫爲小民留餘之計不亦可乎至於薦紳大夫縫掖之
慕義指困賢有司之割俸積穀尤所深望此又周禮十
二荒政之拾遺也余媿奉職無狀不能爲救荒恤災之
奇謀但有實心實政之微當仍恐爾民可與樂成難與

慮始故披臆相告卽以余郡太守爲勸輸之倡可也

廣益局在府治東乾隆二十五年知縣廖景文建有禁碑知

府王宸立又有置田碑知府王均立

府縣郡內廣益局坐落府治之東乾隆二十五年知府
王宸倡捐創建其局房屋係前合胞縣令廖景文捐銀
三百兩置買並有貢生黃存義捐銀三百兩歸局濟用
紳士張先岸蔡卉李紳廖世至等經始其事闔郡官紳
士民樂善捐輸規模大備設醫藥以診疾病施棺施茶
掩骼埋胔收檢字紙並備救火器具續有林玉先郭紀
熙金國成等捐設義地每歲孟春榜派董事分理其事
無告窮民疾病死葬皆有所賴會經詳報至乾隆二十
八年共存本七五折銀二千兩三十八年又餘銀一千
兩均存商典生息一於乾隆四十二年用價足錢一百
二十千契買林寶樹市房一所每年房租二十千一於
乾隆四十六年用價七五折銀二千四百兩契買郭碧
崖民田一莊坐落西鄉十八里瓦廟每年租稻三百三
十餘石又於是年川價七五錢一百五十契買林寶
璠園地一莊坐落大東門外每年地租錢一十五千六
百五十文其價均在存本銀內支撥外有局前左右店

房租錢四十二千馮公祠門面店房租錢二十八千
慶三年知府葉雯將山河租四十一百六十分存入
局內以充經費現仍存本足錢九百五十三分存各
典核計歲入利息及山河房地各租共得三百七十四
千五百三十文租稻三百餘石

養濟院在四牌樓東南巷內

育嬰堂在德勝門內本府同知署基乾隆十年改建

府牒郡城育嬰堂一所康熙三十六年知府張純修因
廬陽素有溺女之風倡議創建是堂遂有合肥生員許
孫筵候選通判許麒卓願將城南久經荒廢之家庵名
曰大慈悲庵捐作堂所雇覓乳婦養育嬰孩一嬰一婦
每名月給銀三錢設立堂役堂醫給以工食合邑公舉
紳上司理其事內無公費於康熙三十七年有生員陳
本叔等見設堂未及週年已活嬰兒一百數十命公呈
請將城河之黑池壩石河南門歸公招佃蓄魚納租以
充堂費知府張因費浩繁率同寮屬紳士陸續捐置田
產每年約收租穀一千石其河租另撥公用乾隆十年
知府朱一鳳因舊堂無可造屋餘某乳婦難以棲住改
建於德勝門內府同知舊署廢基蓋屋三十二間有堂

有倉又有乳婦棲住之所添設內號乳婦一名招募乳婦在堂屋居住凡民間送有嬰兒令其加意乳哺應給口糧銀兩改給米石每名月給米三斗冬給嬰兒衣裙堂役二名每名月給米六斗工食錢四百二十文堂醫一各月給米六斗每給藥資四千五百文今仍其舊府中不時稽察

漏澤園舊在西平門外今廢

石梁鎮巡檢署

康熙志在府治東一百二十里乾隆三十五年缺裁署廢

梁縣司巡檢署在城東北七十里梁縣鎮

官亭司巡檢署在城西九十里官亭鎮乾隆三十六年建

青陽司巡檢署在城南七十里青陽鎮乾隆三十六年建

坊 垂教萬世坊在縣學萬歷乙亥知縣胡時化建 成德

坊 達材坊在學左右萬歷乙亥知縣胡時化縣丞凌亮

主簿王天衢典史易宗理同建 江淮首郡坊 師紳

承宣 雲路 布政 積善 懷德 書錦 武德 興

善 慕善 成教 待賓 臨寰 大安 澄清 德勝

孝義 長樂 永貞

舖 新總舖在縣前 金斗舖在城東五里 坡岡湯棚店

埠邱城管公西山口棗巷七舖通巢縣 龍塘三墩桃花

派河栗店飲馬柏澗七舖通舒城 路口梁縣護城罨塘

斗林五舖通鳳陽府定遠縣 言墩城子段砦丁家定林

五舖通鳳陽府壽州 井張小官亭大官亭施岡四舖通

六安

街 雲路街府學前 雲路街縣學前 新街縣治西 土

街武德坊南 十字街鎮淮樓前

巷 武定巷 木場巷 西倉巷 南五通巷 銀杏巷

飯巷 飛騎巷 二郎巷 羅漢巷 白鶴巷

東倉巷 菱草巷 芒神巷 天王巷

車馬巷 粉子巷 教場巷 紅門巷 孝文巷 姚太

尉巷 廬江巷 觀音巷 省倉巷 迴龍巷 梁家池

巷 鼓樓東巷 鼓樓西巷 五顯廟巷 鳳凰

橋巷 永真觀巷

市 草市在北關外

鎮 店埠鎮城東四十里 三河鎮城南八十里 撮城鎮

城東南四十里 青陽鎮城南六十里 圓暨鎮城北六

十里 長城鎮城西九十里 顧軍鎮城北一百二十里

桃花鎮城南二十五里 左路鎮城北一百二十里

梁縣鎮城東七十里 清水鎮城北一百里

鄉 在城轄八里 東西南北四鄉各十一里 梁縣鄉十

二里

橋 惠政橋一名縣橋五星寺南

引杜璉廬州府重修三橋碑記廬爲畿輔名郡當江淮之衝而紫蓬雞鳴大蜀諸山實峙于其西其水則由郡城而東會于巢湖以入于江春夏間水漲勢若轟雷奔騰湍急不可舟宜有橋以通之橋之橫跨于城中者則爲鎮淮爲惠政而其跨于城之東南者爲浮橋其建舊矣宏治間賢守馬公肇舉興修迄今歲久橋圯矣兌溪張公治廬之初政以次舉閱茲橋圯而重修之乃捐俸爲鳩工計而民之好義者悉響應焉擇巨材以壯其址役堅石以固其岸敝者葺傾者起玉煉金鰲勢作坤軸而民之艱難宏濟矣是役也經始於乙卯季冬落成

於丙辰孟夏廬士民徵予文以記其事予惟天壤之間
水居其多而平天下之患奏天下之功惟仁智者能之
蓋至仁無恩大智不鑿有經世之遠圖無及人之小惡
爾昔子產乘輿濟人後見譏於孟子以其匪王政也載
觀諸史如武侯之治蜀蘇公之心曠世而同神者有司於
橋才乃知王政之大聖賢之心曠世而同神者有司於
此奚可視爲末務也哉公在諫垣忠誠天植論列有補
於世邇者出牧吾廬體國恤人罔不事爲之制患爲之
防勸農桑重學校興利除害善政未易悉舉而茲橋獨
勒諸石記公王政之一端也觀碑懷德亦可以知廬人
之不忘矣嗣是洩茲土者時葺而順導之將不爲廬人
萬世之利也哉惟時郡倅奠公節推董公皆以碩德重
望愛民寅恭以贊其事合肥丞簿亦與有勞而兩庠師
儒則盡觀厥成稅課分司則督理厥功者也遂書以爲
記而并繫以銘云銘曰惟肥之水異歸同出郡國襟帶
脈絡連屬夏潦秋霖重爲民害濟以橋梁利澤斯大長
虹跨碧老屋橫空截險乘流往來以通歲久易湮不無
傾圯疇不欲修或失則止允毅張公悅以使民民忘其
勞不日告成誕登道岸砥柱中流民無病涉六府孔修
爲治簡易漢之循良廬人歌頌以永不忘蜀山崔巍肥
水湛澄張公之德山高水清嘉靖三十五年仲夏

和平橋元成教坊西 鎮淮橋一名市東橋鎮淮樓北

歲豐橋一名九獅教弩臺前 鳳凰橋鎮淮樓西巷 蜀

源橋舊名淺壩 指花橋舊名通仙關廟後 迴龍橋德

勝門內大街 石灰橋三一五顯廟巷一時雍門內一羅

漢寺巷東 飛騎橋威武門內見古迹以上城內 通津橋一名

閘橋大東門外 觀德橋訛官渡通津之東 靈宮橋時

雍門外 通和橋余忠宣祠右在祠左者名余公橋 金

家橋堰城壩 里化橋文昌閣西 大安橋官渡東 坡

岡橋一名北澗城東十里 通濟橋店埠鎮 子孫橋城

東三十五里 傅子橋城東四十里 唐陽橋城東四十

里 馬水站橋城東五十里 別虞橋城東六十里見古迹

俗呼鰻魚橋 石塘橋城東七十里 甌背橋城東一百

二十里 肥寧橋知府張瀚建在水西關外

明張瀚肥寧橋記余始治廬值境內大祲發粟省耕禁
糶賑緩徵輸既竭心思而澤未究乃行阡陌間見疇疇
千里遇雨則流散莫解儲蓄余歎曰此縱其流而不知
止者也如旱何檄州縣尉暨義民若而人使監水教以
疏鑿三令五申長渠廣堰稍稍遍村落是歲仍饑廬以
小收環郡城故有濠源出李陵雞鳴山東下入巢當夏
霖雨汎溢奔騰漫汗往往沒稼橋廬舍民且病涉余周
視之歎曰此障其流而不知行者也如澇何爲之建橋
於水西門外跨濠而東其勢欹水關故隄從流入城市
以東注更建小橋濠西支流以殺其衝蓋自大橋而北
貫城而東各安小橋而西北十二透迤匯於湖而水患
息夫宜行而障也猶宜止而縱棄其益者納其損導其
利者逆其害灌漑有資浸淫無慮治水有異術哉橋皆
發石大者爲三空廣丈有八尺高三丈長十五丈三尺
小者爲一空廣一丈有二尺高一丈有三尺長三丈有
五尺工料等費總若干緡官給僅二一官主之民戶備
三二民主之民穴地得石當其二之半無科擾督責之
繁而事集經始於丙午春中成於冬正鄉大夫蘇原吳

公聞之曰茲水爲民患久矣至今而始寧肥民亦庶幾
永享乎題爲肥寧橋子竊謂民生未易以寧猶水故曰
陽民者其於水水理而潰傷人必多甚言不可障也夏
年民治水曰行所無事夫胼胝於外歷八載而謂無事
云何率其性各運其宜可淪可排可疏可鑿以水治水
而已無與焉故謂無事云爾於民亦然水之止也衆所
發其行也實勿施其所惡好惡因民而不與是寧民亦
不通行所無事而已余媿得其一端之似而多所未及
也書以告之後之君子當有諱余衷者同舉是事爲同
知楊賢通判王徽晏若川推官孫慎合肥縣知縣歐思
賢陳其樂丞聞嘉職簿李佩典史邢鸞監立義民王朝
舉孫鎰贊襄成功合併書之

永安橋一名南安城西四十里下有巨巖其水獨西注

西豐橋城西七十里 豐公橋城西九十里 馬準橋城

西九十里 派河橋在派河鎮 雙港橋在三河鎮 柏

坊橋城南七十里 大慈橋城南八十里 鐵佛橋城南

七十里 拱辰橋北門外 洪水橋拱辰北二里 太平

橋城北二十里 圓囓橋城北六十里 樂歲橋城北七

十里 棗林橋城北五十里 新建橋城北八十里 麻

埠橋城北一百三十里 知縣陳瑄建通定遠官道

關 竹林關城西六十里 地名李陵山峽 見古 廬鎮關城

南百餘里與舒城連境

明林瀚廬州府繕修羣工記孔子修春秋凡於魯國宮
門觀臺囿之作必謹而書之傳曰重民力也然倍公嘗
修泮宮復闕宮經皆不書者蓋宮廟以祀先學校以教
子弟二者皆爲國先務雖用民力安可廢也後世職有
司者坐視積敝或又竭民財力以飾美觀願聖經筆削
垂法之意何如哉西川馬君汝灝以成化甲辰進士歷
秋官主事員外郎茂著聲績宏治癸丑坐累出判廬郡
進二守再進太守不三載改通人和四境大治爰集寮
案若同知中山張鏡通弔嚴陵張韶桂林王政臨漳陳
冕推官燕山許賜議於庭曰城郭以衛吾民乃鳩工版
築周圍凡四千七百丈有奇高可二丈許浚濠一百六
十丈而深如城之高焉七門翼樓煥然增新逾年而工

告成又曰學校以教吾民乃新廟學建尊經閣購南雍
刻本羣書實之其詳已載於大司成謝鳴治公所著記
中又曰倉廩養吾民王政之不可缺者附郭邑合肥若
預備倉若本仁若宏濟若廣義博愛博惠諸倉歲久傾
座授縣令孫維董其役增新者凡一百餘楹又曰道路
橋梁亦王政不可廢者府之東通衛南北有橋曰歲豐
日鎮淮曰惠政曰和平悉久壞不治復出所節羨錢數
百緡菁而新之昔宋翁山蘇公軾嘗以龍園學士出守
杭州築湖隄三十里以遠民害杭人德之立生祠以祀
公汝礪蜀產也爲今少宗伯紫崖先生之子爲考功主
事汝載之兄文名政譽媿美三蘇而遭際過之勳業所
就視長公豈多讓耶廬人思爲祠之未必無杭民之心
南雍勲助教鏞嘗爲所治六安州博知其事特詳請紀
於石以示夫將來太守名金汝礪其字云

明倪謙廬州府治修拓記河南布政司右參政掌直隸
廬州府事楊公永明以成化十年冬下車莅政訪民疾
苦興利除害審定里甲嚴定條禁革往來之私饋裁聽
候之馬正凡便民事宜次第畢舉以其餘力有事興作
相度府治缺者補之敝者新之府舊有門三間止開正
開一閱出入錯雜無等公增開旁間二門尊卑始分門
外左右甃立八字牆造鹿角圍護舊門至街僅丈餘今
拓五丈七尺東自戎衛西抵縣廨連築崇垣缺旌善

亭一座今添建之舊有申明亭二間僻居街南今改建

三開向明制度始備他如府學城隍廟惠民藥局總舖

歲久頹毀悉撤其舊而新之舖西有隙地構亭其開爲

習武所府治內外植槐百株以爲蔭蔽蒼翠所費

以萬計皆出自區畫一毫不取於民旬月之間厥功皆

教公昔守淮陽事功奇偉政績顯著兵載與造羣祀碑

及遺愛亭等記淮之巡撫按鎮守漕運衛所州縣等

官慮其滿去封章二十餘上保留上特擢參政命掌府

事竟以憂去起復改命守盧首務安民亟施仁愛以遂

其生然後修舉廢墜以與其治蒼公以明經登進士高

第學問通博智識過人故所至政聲卓然慈樹嘉績雖

古循吏不是過也本府僚佐欲勒石以示永久乃遣義

官陳愷戴信等來京請言於子以記遂爲述其政績之

美俾刻焉成化十一年春三月既望

按碑記楊公永明以河南參政掌廬州府事成化開修

拓府署考之明隆慶崇禎二志職官表及城署志所載

楊公景官街事蹟迥相符合惟名不同意景者其名而

永明者其字實爲一揚公無疑碑後察屬姓名如通判

薛和楊祿經歷張震照磨毛麟知事嚴節檢校楊度合

肥主簿鄭端辛昂職官表皆不載則舊志之略也碑立

於明成化十一年至今嘉慶八年三月七日於郡署大

門左因治地掘得之當日泐石後或樹立未久旋即傾

仆日就沈埋故舊志不載其文然記事詳確字畫端好
磨土盆積中幾及四百年略無殘闕其出也適當新志
削刷方竣之日則揚公之治績卓然固不可泯沒者
矣爰補刊其文於是卷後而植其碑於郡署大門之左
俾並垂不朽云

廬州府志卷七

賜進士出身廬州府知府溫陵張祥雲主修
城署志下

舒城縣

縣舊無城元末邑人許榮創築土城明宏治中知縣安郁仍
舊址增治惟南城臨水甃以石嘉靖中知縣何偁以石屢
圯易以甃門凡六東曰迎恩南曰南舒西曰春秋北曰通
元東南曰賓陽西北曰六安嘉靖中知縣郭懋欲盡築以
甃工舉而未竣隆慶閒知縣徐成位李棟姚時麟續建城
樓五座萬厯中知縣陳魁士黃宗聖錢允燦朱世昌先後
增築乃爲甃城明末寇據年餘積燬幾盡知縣洪道通令

民以修城贖罪工亦未竣

國朝順治初知縣丁時陞捐俸修治積久漸傾雍正七年知縣陳守仁重修乾隆四十四年山水驟發大半崩圯五十

八年知縣周濂勸捐修築始還舊觀

明鄭時修城記舒城古舒國也城之興廢無所考今城北有遺址之半相傳爲元末鄉人許榮所築徵諸志亦然我朝歲定六合世際雍熙而郡縣保障不恃城郭故百有餘年因循莫葺倣壞殆盡比年以來間有暴客之患今安君郁來爲令適巡撫都御史李公慈下令修城於是鄉民役以丁市民助以財伐木陶甍以公不爲民接舒民奔走服勞者凡數千計乃擇義民之能者董其工屬主簿何雍督其事君則經營區畫運籌出納而勦勉之其制高十有三尺址闊七尺護以簷覆以瓦鑿池而環之深六尺廣倍之四達有門名仍其舊又闢新東門以從民便城南臨漢匪安版築且妨民居故令各用甃甃以固堅久民有富徙者則築室遷之如此者通計若干步經始於宏治戊午五月閱七月而告成民舉欣欣然相謂曰吾民自此其無虞乎皆吾長民者之深惠

也乃相率託御史姚君壽請子記子惟君治舒幾三載
宜民之政豈無可紀獨紀乎是豈以外於是者遂不必
紀哉然此君績之鉅者也績鉅則澤深記之固宜初君
以予昔爲內鄉令嘗築城以禦民患迄今四十餘年完
固如始問子所以作之之法與夫使民之道子告曰事
貴寬貴公寬則有容而惠溥公則治明而法平既得長
民之體而又以愛民之心形於設施之際事豈有不濟
者乎君明敏者也一聞子言遂能推廣此心故役民而
民不病勞取民而民不病費以致事功之成其速如此
然內鄉之城又得久而益堅者豈真作之之善耶抑亦
相承者夔護之周也使後之君子果能相與維持而完
固斯城於永久庶幾今日之績爲不泯也子老矣不能
文聊述此以紀歲月云爾

舒城縣署在城之中明洪武三年知縣員蟻建天順中知縣
王紀徐頤相繼修葺嘉靖十三年知縣何傳增修竝置儀
仗庫戒石亭明末寇燬今正堂大門儀門土地祠退省堂
左右司房庫房內宅俱係

國朝縣令次第修葺詳見縣志

明王章重建公署記舒城春秋舒國也至漢高祖以封
兒子羹頡侯後屬廬江郡尋割郡之北境爲廬江縣
送爲支邑山川盤礴風氣完固其俗朴茂剛毅而多
共地衍沃廣袤有水泉之利故其民勤稼穡而多
在昔遊居於是者世傳漢梅福吳周瑜宋李公麟其
也以行義勸業道藝聞於時故至今稱道之不忘
百有餘年迨至正辛卯兵甲四起海內騷然邑爲江
之衝羣雄所必爭地受攻最蚤且劇公宇民居悉燬於
亂兵莽爲荆棘迫皇朝上軫念遺氓首命縣人鄒季
內附舒城縣職方皇朝爲縣設於川李君伯貞爲主簿三
知縣事江武進人爲縣令李君伯貞爲主簿三
君協心招徠治邑務勸農桑興學校設於廟之
供給勞重未暇與君改詔鉛山州判官鳳翔員君
擢入中書檢校范君改詔鉛山州判官鳳翔員君
中書掾受命繼知是縣下車以來以夜精勤究心民
扶衰起憊興利除害已而政通民和百廢具舉謂
政治所出吏民瞻視而久廢弗建非所以奉土制
眠之意乃捐已俸爲倡若僚幕若吏胥咸出俸以
是鳩工度村民咸勸趨即舊址構廳五楹崇一丈九
深二丈四尺廣六丈四尺東西二廂各五楹典史幕次

三閩在署東西爲正門三閩高廣各中厥度總若干楹
規制視舊塔勝似瓊柱石黜堊丹漆華采堅緻煥然一
新外隸周垣中崇廣衍距署東數十武中衛建譙樓三
閩高四切廣二切深如廣之度而殺二尺重簷翬飛鐘
鼓嚴蕭經始於洪武二年二月落成於明年三月退邇
瞻歎吏民歡呼適于自燕來郡惇是邑邑之耆老謂于
前嘗執筆隸太史職紀載請爲文以識其事于惟春秋
常事不書非常乃書縣造公署在平時爲常在今日非
常何也數十年軍旅數起烽燧交道拾攘滿野所在城
郭盡邱墟榛莽狐兔交橫其中賴今天子英明威武削
平僭亂海內一統發政施仁務恤民隱二三君子相繼
來蒞茲邑任承宣撫凋瘵會未數載若郇若范遄又去
職惟今令員君與諸寮竭力所務故政修事舉茲役
之建不侈不陋用適厥中上以崇國家之制下以尊吏
民之瞻豈不爲非常也哉是故聖天子恩德所被亦繇
賢令佐格奉上意克勤乃職而致然也書之固宜蓋欲
爲從政者之勸

縣儒學署見學校

典史署在縣東蕭家巷監獄在縣治前

城守把總署在城隍廟前

春風館在東門外今爲賓賓館

桃城館在縣北三十里桃城鎮司業歐陽德有記

羅湖館在縣西七十里

曉天司巡檢署在縣西南百里乾隆三十九年添設

三溝驛在縣東十五里

梅心驛在縣南二十里

安惠倉在縣治西康熙中知縣沈以棫建有記

沈以棫建倉記國家用宋儒良法令天下州縣各設常
平倉以時啟閉以備荒歉法至善也舒邑沃野四接泉
源分注於地積穀於倉務尤加意於歲比年
以來境無旱潦野無疾風霽雨使吾民得享豐年之樂
豈非

聖天子雲油之覆各上慈膏雨之施哉顧邑舊有存倉穀石

向皆分寄寺院借貯民莊致腐敗侵蝕猝不可稽始則有穀而無倉終至無倉而無穀流弊相沿畏難莫翊得無似孫樵驛舍之譏耶棧軫念數載營視堂自隙地捐資建倉五間至辛巳秋月而工竣其基則平敞而堅實其制則宏大而高深其土木竹石之用則價無短少而取材甚良其梓匠塗墍之夫則計工授值而絲毫不擾是庶可以垂之久遠矣乎夫亭池臺榭之設非不覆美宏規使倉有餘粟而邑無歉歲則杖之意也是爲記

預備倉四在四鄉

坊 古道 懷古 德政 集古 迎恩 澄清 聯桂

街 東西南北四門各大街一

巷 梅花巷 王鐵巷 甘蔗巷 胡知縣巷 蕭家巷

獅子巷 竹絲巷 大洪水巷 三皇廟巷 小洪水巷

觀音寺巷 烏龍井巷

按康熙志有牛蔗井兒時家史家等巷

市 牧馬市縣西三十里

鎮 三河鎮縣東六十里 桃城鎮縣北三十里 南港鎮

縣南二十里 千人橋鎮縣東二十里 航埠鎮縣東五

十里 上陽鎮縣東二十五里今廢 九井鎮縣西南四

十里 烏沙鎮縣西南六十里 中梅河鎮縣西南五十

里 曉天鎮縣西南百里

舖 總舖在縣前 長清橋廣惠溝時家岡望野四舖抵合

肥 南清橋雙清橋崇孝岡三家阪朱家山五舖南抵桐

城廬江 楊林義井羅湖三舖西抵六安霍山

鄉 在城轄五里 東西南北四鄉各十里

橋

鳳凰橋

望湖橋

永興橋

春秋橋

小市橋

城以上

金雞橋

迎恩橋

谷家橋

壽清橋

南清橋

北清

橋

永清橋

長清橋

梅心橋

通江橋

南舒橋

桃城橋

鎮東橋

續清橋

元溪橋

義清橋

龍津

橋南門外知縣陳魁士建

渡

沙河渡

七里渡

桃溪渡

周公渡

龍津渡

關

北峽關縣南四十里桐城界

砦

陽山砦縣西一百二十里宋余統制立

龍河砦縣西

七十里

方山砦縣南五十里宋方統制立

廬江縣

縣土城元至正間邑人許榮創築週圍約五百丈高一丈有

奇門凡五曰鎮東曰鳳臺曰桐城曰大西曰北門明景泰
閒知縣李顯重修宏治閒知縣胡陽因舊址重築上覆以
瓦東南各立水關一座正德七年知縣馬鏞於鳳臺大西
門上鋪石築壘塞北門改設小東門嘉靖丙戌知縣周良
會仍開北門名曰拱辰并以東作名東門西成名西門時
阜名南門通濟名小西門賓陽名小東門門凡六新北水
關一嘉靖三十九年知縣湯彬重築四十一年知縣劉裁
重築移小東門於東水關萬曆初知縣軒尙朱李陽吉相
繼以甄易土二十四年知縣趙國琦徵銀貯庫遇圯計修
崇禎三年知縣張雲鵠重修十二年知縣耿廷錄因寇亂
於城外築牛馬牆濬濠建重關并西南石壩二城守以完

國朝順治七年知縣孫宏喆重修築南門滾壩雍正八年知

縣陳慶門倡捐修建

知縣孫宏喆書盧江前冷耿公城守事盧之女牆誰築
乎父老曰朕公城之也女牆之塚誰鑿乎父老曰耿公
浚之也其費安出乎父老曰貧者役有力者出僱錢子
來熙熙不日而工以訖何以設重關於北乎父老曰縣
治之地脈也以睥睨爲池登高瞻遠猶天塹也其役亦
勞矣當時有怨之者乎父老曰有愚者見於已形耳輸
費之家初未免吝徵於色及十一年羣盜再攻曠日持
久金湯固守無一息之懈焉耿公綏一賊直上縱之俾
盡觀部伍與約曰盧江斗大邑若屬之攻圍如是吾子
弟之守禦如是爾度其力云何爾強則取之爾弱則舍
之兵法可考母久困吾土爲也賊咋舌服復繼之以出
輒引去盧以獲全然後向之築者皆感戴神君而媿其
輸將之薄也奚怨焉其城若池卒恃以無恐乎抑亦有
非其人而爲害者乎父老曰有耿公去民萬方留之不
可得而盧失所依矣士無固心賊從水關入婦子之奔
者苦賊逼塚深無梁以渡或遂戕其軀似害也然非天
壘之咎也及乎今日淮以西鷹眼未消狼心未化之衆
聞盧險巖不敢窺則城若池之式憑也苟得其人矣奚

害焉其城守所樹之人所備之器資之他乎抑不移
而具乎父老曰有慮經紳文學相講求於嬰城之時者
今半在所募弓箭手所教習烏鎗手火器手今猶散而
爲農孰非慮之人火藥局西洋礮今猶存於公府孰非
慮之器舍其慮不忘其報慮之俎豆未慮而刊石未列
也口碑其敢諱諸公之來何時其去何歲乎父老曰
崇禎八年入賊獵賊破廬江兵備史公可法騎來拊循
士民環泣於馬首史公曰無憂十日後青陽廣文取廷
錄視縣事是爾眞父母矣已而果然迨十三年擢耀州
守以去其後聞歷官開府則父老所不知云嗚呼使今
日有取公爲廬令何憂水旱之頻仍租庸之弊慢哉余
不敏竭歷斯土皇皇然惟恐滋罪戾又懼遺愛之弗彰
也揭父老之言於屏壁以自勉
又修城記廬之城過百雉當時築之者何易也增女牆
者未聞有難辭十餘年來輒疏而圯退矣堞損而瑕生
矣任斯邑於吾前者未之及蓋罷於時諫而舉意也雖
然有司安敢諉於是循牆墮爲之積減口惜薪爲之
費盡吾力所能爲而已力所不及以待後之君子工粗
具識其歲月井志董役者之姓名於左云

廬江縣署舊在三思橋北卽今儒學基宋建隆二年大理評

事守廬江令謝惟士拓崇明館地重建祝况有記明洪武
初知縣伍塾移建愷悌坊爲今治自是以後知縣黃惠胡
暘劉璋李錫馬鑽劉夢熊何律劉裁章達歷有興修明末
盡燬

國朝順治八年知縣孫宏喆重加鼎建雍正十年知縣陳慶
門重修詳見縣志

宋祝况重建縣治記夫王者知四海不可以片言折乃
命方伯以監之謂萬民不可以一指齊故制百里以邑
之廬江蒸春秋廬子之國也晉宋以還庸爲廬郡隋大
業中改爲縣物隨代變事逐時移舊管鄉一十二戶一
萬三千八百四十七稅錢九萬八千七十五地謙而沃
備逸而繁漢玉葉之名區魏粉郎之舊里賢良俊傑無
世不產有東顧白若鐵冶徵巖以疏其氣有牛渚馬頭
鄭渠舒口以導其汗金方斜帶於連錢震位俯襟於大
負風剗御倚背鴻寶之遙嵐氣象前臨瞰金華之遠翠
所謂羣商之扼會萬貨之泉藪也歷代以來非賢莫處

周世祖以江表方定郡縣賴才乃分命英翹載安風土
 時陳雷謝公以能名第望入丁是選咸以為高衢驛力
 早觀逐日之路聖主急賢今見得人之美公以一境初
 謚羣情尚艱吏有暴慢干紀者示刑以齊之農有游惰
 盡業者約法以繩之民有播遷懷土者施惠以來之士
 有侈靡不道者資禮以節之行之未期貪者廉邪者正
 老者安少者悅為子弟者孝悌為父母者慈愛耕讓畔
 行讓路糶貧其子而歸雲奔雨集熙熙焉似登春臺之
 樂也先是郊壘多艱民業屢空視事之廳鞠為茂草鳴
 琴之室不庇寒風公下車一載庭寧之不煩乃曰盧之
 邑有五而茲為之最奈何布政無從庶政未集事當革
 弊理合任權且一日舉葺者前哲之恒規安上治民者
 古人之常道豈可尸祿素餐而取維鵜之刺者哉遂因
 農隙爰徙公衙於縣南百餘步崇明館而創之薊星沐
 露芟荆剪榛郢匠陶夫各就其列居人邑客咸助其材
 不攬里胥不煩虞氏俸給之外悉資公共風趨霧會不
 日而成所建大廳門樓更樓兩廊柱廊夾廳小廳暖室
 厨屋西房曹房馬苑及主簿衙室共約一百餘間櫺檻
 楹比椽瓦疊立彩楹霞明而翕赫赤階鷺序以嶙峋飛
 息闕霓駕瓦壘玉雪鎖高牖風生後庭吏有德行有禮
 義有忠信有琴孝有廉慎得以陟之有狼戾有頑器有

邪暴有諛詭有驕矜得以削之於乎公峭愕千仞澄潭
萬頃幼而敏達長而辨慧風神特異桂樹之幃嚴霜素
執無差冰壺之湛秋月部繁無滯分劇彌閒神女夜啼
靡入賢人之界翔鸞曉集但依君子之封則知代有奇
才國不乏寶更千數載未有如謝公之賢也况採奇楚
裔泥迹江干出入軒庭周旋寒燠覽其芳躅寶溢頌聲
而又罔以惜學見遺特以斯文爲託屬辭無媿吮筆而
成庶使後之來者見賢思齊以青雲而披白日觀相生
善臨空谷而蹈春水信有明宰之絕流謝公之卓立者
也時宋建隆二年辛酉春三日記

縣儒學署見學校

典史署在縣治東順治八年知縣孫宏喆典史陳德潤建

冷水關巡檢司署在縣治西三十里名衙廳乾隆三十九年

裁汰

察院主簿宅醫學陰陽學新舊公館僧會司道會司際留倉
旌善亭演武廳俱已廢

養濟院今廢

孫宏詰養濟院記自牧廬以來民皆力本務而詔其嫻陸壘其穢墟雖新集之哀鴻初募之牛種早潦相繼而轉溝壑散四方者甚希惟罷癯扶杖之老計所在近郊凡百十餘指余按輿制給衣糧皆拮据料錢以贍足朝暮而椽舍未設詘於時也今即故東門橋左地擇養濟院一所左右各三間前後門竊以卑所職而暢吾心或日邑之待養育於君侯者豈獨此哉而是區區爲余應之日堯舜猶病之心請自今始

預備倉

康熙志在馬神廟前寇燬後存屋六間知縣耿廷錄孫宏

詰重修添造

常平倉在鼓樓兩旁雍正五年知縣鄔廷鹵又于儀門東西

增建

坊 鳳臺 紫芝 龍澤 丹桂 際雲 迎暉 澄梯

遵道 平易 馬政 繡溪 中和

街 十字街市中 丁字街平易坊 新街縣治後

巷 馬厰巷財神廟南 高家巷際雲坊東 粉子巷小西

門內 朝墓巷東門外 河灣巷回龍橋南 梅家巷大

西門內 毛家巷北門內 柳樹巷東門外 冒家巷北

門外 盛家巷北門外

市鎮 魚市鐘樓下 南關市昇仙橋北 桐城橋市桐城

橋西岸 金牛鎮縣西北四十里 盛家橋鎮縣東北五

十里 甄橋鎮縣南六才里 羅家埠鎮縣北二十五里

戴家橋鎮縣北四十五里 羅昌河鎮縣南五十里

沙溪鎮縣南十五里 黃泥河鎮縣南四十里 黃屯鎮

縣東南六十里 關河鎮縣東七十里 湯池鎮縣西四
十五里 青帘鎮縣東四十里 亭頭店縣東北二十里
程途店縣西南二十里 丁家河店縣西三十里

舖 總舖在縣左廢 魯班塘亭頭棲鳳雙峰七十里五舖
達無爲州 十里鳳凰山搗牌山三澗橋四舖達舒城縣

鄉都 在城轄四里 盧江鄉五里 南慕善鄉二里 北

慕善鄉一里 三公鄉二里 安豐鄉二里 新興鄉四
里

橋 三思橋儒學前今名興賢 迴龍橋儒學西 魚市橋

一名鐘樓金剛寺西南 臨仙橋東關外 見古 昇仙橋

縣治南 擲盃橋卽昇仙旁小橋 桐城橋小西門

外 重錦橋大西門外廢 繡溪橋俗名劉家橋西岡外
永安橋卽南安縣西北十五里 金牛橋縣西北四十
五里 捌壩橋縣西北十二里 會市橋縣西北四十五
里 中吳橋縣西北五十里 銅關橋縣北三十五里
三湖橋縣西四十里 戴家橋縣北四十五里 盛家橋
縣東五十里 順江橋縣東二十五里 鷺鷥橋縣東南
十五里 鳳凰橋縣東南三里 姚廟橋縣南三十里
拍笑橋縣南八里 甄橋縣東南六十里 解家橋縣東
二十里 六版橋縣東十里 青山橋縣東北六十里
羅昌橋縣南五十里 中沙溪橋縣南十五里 下沙溪
橋縣南二十里 大成橋縣西南三十里 洪關橋縣西

南二十里 昌允橋縣西十八里 九里澗橋縣西九里

羅家埠橋縣北二十五里 觀音橋 河上橋 北新

橋 紫來橋 黃屯橋 十八郎橋 永定橋 姚廟橋

吉利橋 雙孫橋 作坊河橋 新橋 三版橋 蟹

子橋

渡 柴埠縣南二十五里 小缺口縣東南三十里 馬頭

口縣東北六十里 泊口渡縣東北七十里 梅林渡縣

東南五十里 青帘渡縣東四十里 黃墩縣東南六十

里 彭家渡縣北三十五里 李家渡縣北五十里 劉

家渡縣北四十里 三河渡縣東北六十里 葉家渡縣

東南二十五里 東頭背渡縣東二十五里 陳家渡縣

南三十里 石嘴頭渡縣北四十里 下馬渡縣北四十
三里 新溝渡縣北四十五里 韓家渡縣北五十里
白石山渡縣北五十里

無爲州

州城漢末曹魏始築無爲城歷代廢興不一宋初改鎮爲軍
乃營壁壘迨兩淮用兵始築垣墉元末土人趙普勝據之
歸明後卽命爲守禦知州夏君祥督葺週圍九里三十六
步高一丈二尺闊七尺歛四尺東以花林大河爲濠深一
丈闊五丈九尺城門六東曰楚澤亦曰朝宗又東曰東津
西曰大安南曰九華亦曰薰風北曰鎮淮亦曰迎恩東北
曰倉埠嘉靖三十五年用郡人劉崙議申巡按御史吳百

明興役荆建高二丈四尺萬歷四十六年久雨城圯知州陳賢才修之建重關於南門之外崇禎八年因寇警加築九年斷六門石橋築濠壩十年濬城濠

國朝順治六年知州方安民修城雍正九年知州張鑄又修之嘉慶六年知州顧浩重修

明徐階修築無爲州城記無爲州故有城周若干丈其始不知所由築及元末而圯今復城之者監察御史吳君百朋也嘉靖辛亥壬子間倭賊竊寇海上州人布政參議劉君崙以侍御憂居言于同知今按察僉事許君用中請城以爲之備而無爲去海遠衆相與迂之不聽後三年倭寇益肆致焚燒郡縣劫守吏而取其藏天子詔有司各得爲城自保於時許君已去州之吏無能任其事者明年丙辰奉命按江北會寇犯淮揚遠近洶洶君歎曰是尙可不急圖哉乃進州守何龍條公帑之羨得若干緡使具諸費而召其民告語之使出力以供諸役民胥應無後始事於七月八日凡爲日九十城成寇聞不敢犯州父老子弟相與樂共生而頌君之功於是

劉君走書京師請子記按誌無為鞅廬州廬在曹魏南
宋蓋南北之界而攻守者所必先也其時高城固門
百倍他郡而民之苦於兵革亦有一寇賊奸宄無所容其
一區宇列聖相繼禮教明法令一寇賊奸宄無所容其
開而廬又於天下為中土其吏民宴然無復戰爭之慮
故城之遺址坐視其沒於荒榛野草之中無復以為省
者夫豈非治平之微而臣民之大幸與然君子之為政
未嘗不以其身其天下之樂亦未嘗不以其心先天下
之憂城郭溝池所以設險而守國者蓋不俟患之既至
乃為之圖也若茲城之久而復沒也又豈非有司之失
職而論政者所深慨與自江南用兵以來戰守之務取
倉卒以致喪敗者多矣彼其心非盡不知患之當備惟
夫計迂習惰而僥倖免諸其身故備之弗豫也無為今
巨州寇所窺也非賴吳君殆不免於焚劫然國家之制
吏率以九載乃得去其官惟御史之出按則一年而代
計吳君之日空易以僥倖無事而獨汲汲於備以脫州
人於兵火之中此其賢於世之君子遠矣子故為記其
事以告為政者使知勸焉

無為州署在州城北明洪武元年知州唐元亨建宣德中王

仕錫重建天順中楊仕棕熊恕宏治中趙璧正德中吳臻

楊鐸嘉靖中李坡萬歷中陳嘉賓查志文史應選後先增

置

國朝孟孔傳建正廳川堂後堂顏堯揆修復贊政廳儀仗軍器等庫及左右司房佟國禎造戒石旌善申明三亭土地祠門房獄舍俱在州署之西又照壁前井亭左右各一開乾隆二年以彤家言毀去

察院署在州署東南康熙開巡按缺裁署併入江防署內

明柳尚義題察院壁詩二首雨過蓬軒晚翠饒煩襟如
滌坐來消盆池泥甲苞新藕蘂砌沙茸長秀萼月色滿
亭人未寢花陰當戶漏分背寸心不爲江湖隔鼓馨山
樓憶侍朝散步園亭看落花苔痕屐齒印新沙塵襟
雨後真如洗吟髯愁深未到華翡翠輕寒欺葛袂松瀉
遺響過簷牙凭欄一發掀髯笑明月中天斗柄斜

江防公署在察院西

河孫化龍重建江防公署記國家建都金陵其守在長
江防禦特加重焉二百餘年先後建置在內有勤臣有
臺憲以提督巡按於上外有兵憲有武臣及巡司官兵
以經理備禦於下所以爲萬世根本計者亦旣周矣萬
歷二年操江都御史洛陽董公謂上江延袤千里稽查
爲難疏請以濱江九江安慶池州太平諸郡同知兼管
江防而廬郡與焉廬之江在東南無爲境內距府二百
八十里與他郡迥異同知居郡城遙制江上緩急無
暇且出江查點往來州縣間夫馬供饋勞擾化龍以萬
歷三年秋由岳州府推官移佐廬郡叨司是職心切慮
之萬歷六年侍御陳留崔公來按江北上疏陳入事其
一言無爲江防重地不可無方面官控制而淮安司道
有剩員可裁彼以補此廟堂重其事下其議於總理河
漕院部烏程潘公議以本廳移居無爲爲便疏上制曰
可其詳具在疏中化龍奉檄以是年十二月遷居州城
寓柱史之行臺念非專設衙門不可爲經久計而郡城
及各邑捕盜之責舊總隸本廳今居一隅亦兼制議白
諸當道咸檄府查議遂行州卜基估費而化龍道署州
篆循視州中惟行臺西有公館年久廢閒可改建第苦
短促而州治前有馬房遺地前州官稍以其餘市之於
民又前有譙樓成化中併入州治士民耆老咸謂改移
更建爲便化龍從之乃命州判金一中會計工費得三

百二十金化龍議本州給其半其餘則六安合肥等七
州縣共出焉太守餘姚葉公覆議允當頴道兵憲浦城
朱公亟爲轉達俱得允化龍迺募匠料夫材木市諸燕
關張氏易之陶戶礎石取之山麓以是年四月興工化
龍時時督察之既又稍爲拓其後十有餘步九月知州
海寧查君至代爲經理遂於十二月告成爲正堂三楹
名爲保釐蓋取畢命保釐東郊之意也堂東西爲翼室
各三楹東爲寅賓堂西爲選食堂後爲寢房三楹其東
爲書房三楹西爲厨房三楹寢房後爲正室三楹其前
後東西各有廂房二楹正堂稍前東爲書辦房三楹西
爲外書房三楹又稍前爲皂隸房各三楹堂南三十步
爲儀門其東西爲角門儀門外東爲土地祠一楹其外
爲大門三楹周圍緣以垣牆總名爲廬州分府廳之廣
九丈五尺其長二十四丈有奇其工費多原估二百五
十金蓋寢房後皆續增之數而木石之堅塗墁之精亦
有出於原議之表者然皆州中措給於民無擾也化龍
又以無爲去郡隔遠請給關防賴道府贊成潛撫新安
江公巡按斲水李公併前所請分理督捕奏聞俱荷旨
俞允而李公又因化龍之請復詢諸道府許得置吏及
爲供役左右饗飧具於是廳中之事備矣化龍謂濡須
重鎮自昔記之孫炎六朝皆屯兵守禦趙宋時亦設憲
司於郡東北之運漕誠重之也其在今日西聯安慶東

接梁山控扼長江拱護甯都視昔殆又重焉諸公許謀遠慮建議疏請以本廳專管江上復令移駐州中誠得制禦萬全之策而衙門營建之初仰荷當事鑒亮主持遂得刻期成事且巡捕分而防守專關防給而行事便吏役工食設而文移事體俱有責成千百載保障之計其在茲乎然竊念事當創始不可無言以識歲月故撮其規爲之略用勒堅珉樹之堂右俾繼泚茲土者得有所考焉

江防行署在泥汊鎮

府公館在州署東南小公館在署東峽山公館在峽山舖右

開城公館在開城橋舖南舊騏驎館在州署西

州同知署爲清軍江防廳在知州宅西前有嘯臺顏曰奧圃

門內東爲土地祠西有房三楹顏曰賓館名其堂曰虛受

明劉崙登嘯臺詩瑤臺百尺倚晴空盡日登臨思未窮十里江聲秋草外萬重山翠暮烟中幾隨曉漏趨青瑣忽憶邊笳走盡熊清興年來渾不減月明長嘯海天風

州儒學署見學校

判官署在同知宅南明判官許承恩建後賊燬官裁遂爲隙地

國朝雍正九年知州張鑄建倉其上曰預備倉

吏目署在州治西

土橋鎮巡檢司署在南鄉距城南八十里

黃維河巡檢司署在太平鄉距城北三十五里

泥汊鎮巡檢司署在無爲鄉距城東南四十里嘉慶四年巡檢傅廷槐捐俸修葺

奧龍鎮巡檢司署在周興鄉距城東一百二十里今移白茅砦距城東九十里

醫學在州治前街西今移於東

陰陽學在州治前街西

僧正司初在景福寺今無定所

道正司初在崇德觀今無定所

貢院今廢

宋王簡無爲軍貢院記淳熙十二年夏余爲尙書吏部侍郎鄉校諸生宋霖等以書來告曰吾邦新作貢院成請紀之值余以憂歸不果綴文因循今九年矣士風日盛去秋大比試者千餘人院之兩廡又不足以容而席屋窘於風雨郡守周侯秘謂郡博士錢萬頃曰聞貢院之創費皆出於邦人今不欲復爲邦人費乃捐帑廩之餘錢餘粟而增葺之於是錢君率諸生申記之請余不得辭無爲當承平時以景福寺爲校藝之所中更建炎兵火庶事草創淮上往往合數郡爲一試無爲亦附旁郡紹興丁卯始建置科場而景福已殘破因權就軍學自是學舍三年必一拆毀試既訖事官司漫不加省修補滅裂積以積做士子病之久有貢院之議而當官者

憚煩莫爲主盟會稽石崇昭慨然任其責邦人踴躍從之乃相與度地得學之東偏陰陽爲宜而地屬賈氏請於郡易以通判廳之故基又以學之田易其旁任氏張氏之地以廣其址起於淳熙十年四月十六日至七月二十五日粗成八月卽用以試士其工役之未備者又次年之冬十一月至十二月夏四月乃克就緒凡爲屋八十一楹監考有位對膳有所廡廡深明門牖巖固院之內外所當設置無一不具總其費爲錢三百四十萬有奇三分之二出於邦人其餘則官司之助與繕學之藝也而粟不與焉是役也成於石君而經營程督於其閒則學之錄陳天啟也今周侯復闢其地廣其垣增屋四之一通前一百有九楹邦人未及知而事已集爲千里之政而崇化勵俗者不啻如是乎自貢院之成已四取士共登名桂籍者三舉不乏後生皆知勉於爲學黨庠家塾師友益親蓬戶藁門絃誦不絕繼是獻賢烝髦出爲邦家之光而不徒於世取祿者皆吾郡之士鄉曲之榮也

養濟院在州署西

州前倉在大門西

駿惠倉在城隍廟前

豐裕倉在州署東

預備倉在州署西

明吳廷翰重建預備倉記
聖天子在位敬天勤民施仁
宏愛崇本重農捐逋釋賦以惠四方以洽於閭閻賦畝
以生養窮孤飢餓危之人時臺臣有議儲蓄者曰惟
茲之令資筆我聖祖既傳於我邦家列之典章闢之官
府申之律令爰及所司式行弗周敷仁罔克究乃爲之
計曰令以始其各務歲積府歲若千州若干縣若干大
者若干夫者小者若干皆差既虞其限程其能覈其
效自二千石以下咸庸是常黜陟所以飭祖令而廣聖
德也聖天子毅然行之於是大司徒著之格下之監司
監司增損其時宜下之府爲之戒下之州縣其無敢
弗嚴王大夫來守是郡適令之始乃歎曰維茲令子其
孜孜有弗若者實格我皇仁而溝壑赤子也乃遍籍諸
倉而加度焉曰旣也弗完湫隘罔稱穀之弗積是無民
也倉之弗稱是無穀也二者有異矣其弗若令一也乃
若穀有歲月之功焉朝夕之圖焉其爲倉斯於是規地
於城兩隅得景福禪寺之西隙高亢廣衍咸以爲宜則

日其庶乎穀之攸猷乎倉之攸奠乎則芟拓之得地周
遭八十有六丈許築斷之得厥三十有六座中爲廳事
者一外爲門坊者三周以垣者四維固則又曰其庶乎
倉之攸奠乎民之攸賴乎凡倉惟贖罰稅貸委輸市糴
其惟官皆入焉未諭年得穀若干石官司不以勞民靡
有病則又曰其庶乎民之攸賴乎穀之攸濟乎是役也
取則自公而費不靡委責者舒而工力罔不殫有說而
勸之道焉經始於嘉靖壬辰二月二日落成於是年十
月九日監司嘉其績於是僚屬士民胥以慶則皆曰其
庶乎民之攸賴乎政之攸成乎無以大夫勞乎謂當有
以論之余惟今之令以儲積而計黜陟人豈無自固之
心乎豈無自榮達其身與固名之心乎豈無善避諫罰
之心乎豈令之端使然哉王大夫其釋然矣余見大夫
何幸也豈令之端使然哉王大夫其釋然矣余見大夫
之持法平而用心恕也是善於將令而誠於愛民者也
仁主之勇行之信成之義率之四善備而大夫舉無責
焉耳非作之難繼之者不怠於後民誠樂於斂而旣惠
也夫作於前而繼之者不怠於後民誠樂於斂而旣惠
於散則大夫之心與吾民之行寧不俱釋然乎於是僚
屬士民咸曰儲蓄所以謀民而近於謀身者亦非也知此
矣乃本其事而記之

黃維河倉在城北三十五里軍糧於此交兌

明劉汝佳黃落河水次便民倉記郡舊輸漕粟三千八百石有奇歲兌廬州衛旗軍北運是稱兌米又例得解鳳陽倉糧五千一百二十石之粟者役茶重郡大夫先期徵殷戶於城內官廩曰利民曰駿惠者飲之畢漕粟則徵小舟運至黃落河水次交兌而鳳糧必歸長江達儀真廬歷洪澤湖抵濠梁水行千餘里再徑陸餽車運又十里露積倉口暑雨淋漓濕爛尤甚主因吏猶苛責運戶以曝曬然後納民患苦之雖傾折其家未易辦此惟是閭邛何侯用鳳陽俸來守是邦習知鳳臨二邑有倉糧復南運數略浮吾濤而各就近更輸便且倍徵然力請於上得改兌有百世功而自是郡之鳳糧雖增耗三百餘民且爭運於黃落水次矣水次故有倉第其址窪下比年水漲沖塌屋棟蕩然而城內利民駿惠二廠亦坐歲久圯選賃民倉貯之粟百石損貨錢四百緡計兩地獄直費不下百餘金夫寧獨人鼠交耗風火足虞既貯非其地官軍指潮潤苛求之而艱於運更苦於索由斯以該兌何可一日無倉也其役莫此為亟已先是台州李侯欲再置倉水次旋被內召議遂寢未幾我任侯代甫下車會臺使者高公按部瀉公首用是條上便立得報可遂尅日鳩工就水次故址鼎而構之首事

於甲辰秋孟告成於乙巳秋仲併城內利民駿惠倉次
第修葺一新焉嘗聞之周禮荒政有二敢財薄征固矣
其四曰強力弛力者言乎甦民困而節爲之所也古人
常平義社匪不加意惠民然猶徵賫賤以度支徒備歲
凶云耳孰與拯輪輓疏作僚卽一歲內省浮費百餘而
累之寧有既乎儻所稱河陰栢能集津三門率緣水置
倉轉相受給第求便運而公之意豈在裴耀卿下也脫
冷公傳舍民事而惟顧是仍民有公私交困而已卽閩
邛公有改兌之功孰究其實合州公有維新之議孰觀
其成而公於是爲弗可讓也閩邛公名邦漸合州公名
作舟公名惹蜀之南充人

利民倉在小東門內街北

東西南倉及開城倉在州西四十里改爲公館

演武場在州西北隅名桑棗園外教場在州北門外名西演

武

坊 迎恩 皇華 熙春 崇德 大安 錦繡 崇壽

崇信 崇孝 雄鎮 九華 望日 元妙

街 十字街二俱州治南 熙春街在十字街東 東津街

在熙春街東 兔兒岡街在十字街南 五神寺街四牌

樓東 儒學街四牌樓西 大安街州治西大安門內

皇華街後街新街城隍廟街俱州治東北 北門大街拱

極門內 南城街在南城外 河街東門倉埠門外 草

市街拱極門外 一字城街九華門外 太平街州治西

北隅

巷 郭家巷 余家巷 狀元祠巷 官巷 大井巷 陳

家巷 俞家巷 莊家巷 關家巷 徐舉人巷 察院

巷 都土地巷 張拱巷 陶家巷 儒學巷 陸家巷

觀音堂巷 阮家巷 董家巷 白家巷 田皮巷 畢

家巷 魏家巷 支家巷 燕家巷 東津巷 竹巷

鎮 黃雒河鎮州北三十五里 泥汶鎮州東南四十里

土橋鎮州南八十里 白茅疇鎮州東七十里 襄安鎮

州南四十里 開城橋鎮州西四十里 運漕鎮州東北

四十里 黃姑闢鎮州西南九十里 倉頭鎮州北二十

里 斗溝壩鎮州東北三十里 臨江壩鎮州東三十五

里 余家壩州東三十五里 長壩州東四十里 神塘

河鎮州東二十里 柵港鎮州東三十里 版橋鎮州東

五十里 龍華鎮州東六十里 黃家渡鎮州東六十里

牛門溝州東七十里 高家溝州東南四十里 姚家

溝州東四十里 石澗舖鎮州北三十里 峽山舖鎮州
北四十里 顧家渡州西南五十里 馬家渡州南四十
里 湖龍陡門州南六十里 王家渡州南四十里 老
牛舖州南八十里 官亭河州南七十里 陸家店州西
六十里 鶴毛河州南八十里 洪家巷州南七十里
崑山鎮州南一百里 灰河鎮州南一百里 斜塘陡門
州西南六十五里 蜀山陡門州西南七十五里 西河
州西南七十里

舖 總舖在州前 黃汰城侯家橋陸家店開城橋四舖通
廬江縣 杜家橋林步岡石澗大龍峽山五舖通巢縣

鄉 在城轄九里 無爲鄉六里 太平鄉七里 開城鄉

四里 襄安鄉三里 銅城鄉五里 周興鄉五里 南

鄉七里 北鄉七里

橋 三思橋州治前 光裕橋十字街 青龍橋五神寺街

西 鬪錦橋南門內 施家橋五神寺街東 一錠墨橋

在五神寺街與施家橋相連 迴龍橋僑學西 京津橋

永樂閒遊僧宗南建大東門外

明劉汝佳重建東津橋記距郡治一里許之東有橋名東津水自西南詣山數十里縈迴漫漫經平安九華二橋兩岸束之沮洳然下當楚澤門外決中流爲津北流於花林爲黃洛東爲裕溪入于江其南則又東入自江注泥汊合柵港三溪九龍諸水迺鱗魚口漲而會焉志稱明遠樓下臨百萬湖樓在楚澤門上今津水三分合流其湖之委匯故明初地尚沮洳荻葦行跡少通後頗芟治往來永樂壬辰遊僧宗南架木代涉者則橋所由始也然水苦數更正統丁巳郡守南城王公仕錫易以石而制乃備自是西北道集廬東道蕪湖太平達

於金陵行者日衆蓋百餘年矣但改建以來修者不時
中開屢爲洪水所衝及火燬石欄民有阡陌而死者甚
嘉靖己亥圯以橫潦而告病者勢益岌岌乎不可爲
御史廣平石公永按郡及此同知項城張公承恩適始
蒞任乃惻然有感於心遂議撤舊以建於是捐捧以倡
士民皆從公畢力綜理無懈志經始於庚子冬十一月
值水涸氣暄入春少雨比水至而架壘適就工不病作
矣是冬十月遂落成君子謂興造不違衆從不違時且
工未及期費金僅四百成之速而用之寡君子謂勤事
恤財至于財則出諸好義樂施之家而不強事以委民
閒良善而無官府習近之弊君子謂善經理橋長岡各
增於舊高視舊爲減以便行者既成學正楊君道楠等
謂不可無記乃以屬予予惟君子之爲政也在審緩急
之勢與識大小之體而已矣然勢有似緩而急體有似
小而大者又在乎審識之者何耳故子產聽鄭國之
政以其乘輿騶人于漆洧孟子譏其不知爲政諸葛武
侯治蜀橋梁道路無不繕治論治者謂其識體其以是
哉今公筮仕之初未遑他務而首及乎此其於大小緩
急真能有以審識而擇取之矣且其經理規措又有數
善如前所云豈非有志武侯而欲賢于子產者乎雖然
愛人本于仁心而治事不專于才力得民在于實德而
爲政每病乎徇名此又審緩急識大小之所宜知也公

不以一事之成而遽喜不以一念之愛而自足必將廣推于政事之閒而得乎經濟之要使繼公者思公之所以為政與公之所以為愛而不弛引之而長圖之而使不朽則其所及又豈獨一橋一郡已哉子故進而告因以示勸焉

九華橋永樂閒知州鄉以信建南門外 大安橋正統閒

知州王仕錫建西門外 迎恩橋北門外 花林橋倉埠

門外今廢 通濟橋小東門外 見龍橋知州何邦漸建

儒學前 高家橋州西北里許 姜師橋州南七里 新

附橋見古 一曰新婦州南十五里 塔橋州南二十里

平安橋洪武閒同知魯執中建州西八里 橫步橋魯執

中建州西北二十五里 張陰橋州西北十二里 李師

橋魯執中建州西十里 新嶺橋知州王仕錫建州北十

五里 萬金橋州東北二十里 魏家橋州西北二十里
蘇家橋魯執中建州北十五里 燕家橋州北九里
蔣家橋州北十五里 杜家橋州北十里 石湖橋州北
三十里 峽山橋州北四十里 幘頭橋州北三十里
袁公橋州北二十五里 上林橋州北二十七里 獨山
橋在獨山明王廟側州西五十里 趙公橋州西二十五
里 開城橋州西四十里 華張橋州西二十里 僕家
橋魯執中建州西二十里 蜀山橋州南八十里 黃姑
橋州西南九十五里

渡 鮑家渡或云卽舊花林渡城東河街 燕家渡州東南
鮑家下流 上三溪州南十里 下三溪州東南十里

吳山人渡州東南二十里 沙江口州東南二十五里

韓家渡州東南十五里 王福渡州東十里 姚家渡州

東南四十里 黃金牖州北十五里 高家溝州東南四

十里 盛家背州北三十里 鉄貓河州東北四十里

葉家渡州東北五十里 開城橋州西四十里 陶家墩

州西北四十里 駱家渡州西北四十二里 廬江渡州

西北五十里 襄安渡州南四十里 瓜城渡州南四十

五里 永安河州南四十里 馬家渡州南五十里 王

家渡州南四十五里 伍家渡州東南五十里 晉家灣

州東南五十里 黃家渡州東南五十五里 樊家渡州

東三十五里 魏家渡州東南四十五里 陳家渡州東

五十里 鍾家渡州東北三十里 張溪州南四十五里

俞家渡州南五十里 劉家渡州東南五十五里 顧

家渡州西南六十里 梁家壩州西南五十里 臧三渡

州西北五十五里 海螂渡州西南六十里

關 東關一在龍潭灣一在東津橋名永寧 南關一在九

華坊一在一字城 西關一在大安坊名雄鎮一在橋外

今圮 北關一在關家池一在草市北今廢

砦 避湖砦州西六十里 豹兒砦州西五十里

巢縣

縣城入元久圯守帥王珪因舊規築之明嘉靖時惟北門樓
堞如故餘皆木柵知縣李謨嚴宏更築周圍一十二里高

二丈三尺闊六尺西南臨河東北據山門凡四東曰朝陽
西曰濱湖南曰迎薰北曰拱極隆慶四年知縣易可久增
築北門月城萬歷中知縣夏崇謙改建於縣東城河德政
坊仍存舊門便往來後卽以舊門爲南門更名通津又便
民門三崇禎十一年知縣宥承勳因寇警增城浚濠

國朝康熙七年地震城壞百餘丈知縣于覺世補葺雍正七
年知縣鄒瑔重修乾隆二十八年知縣涂寧先奉檄捐修

嘉慶八年知縣魏象彩捐貲修理

同劉崙重修新城記巢治最古迨夫承平日久恬惴相
仍殘壘就修警柝無備乃嘉靖丁巳歲倭寇竊發海上
直薄維揚所過掠焚極其慘毒巢有剝膚之勢維時州
城所完僅以庫藏遷之而老稚驚竄備極焉不能保
侍御馬公按部至日吾責也尙可不亟圖哉乃與郡守
汪公躬親相度曲盡經畫令州守方君縣令嚴君董庶

役鳩工程材採石陶甃法嚴令一樂趨競勸始事於戊
午四月十日其爲日百而城成週圍十二里高二丈餘
門凡四南曰迎薰北曰拱極東曰朝陽西曰濱湖雉堞
雲聯樓櫓山立隱然江淮一保障也越明年夏侍御屠
公嗣守是邦設器修防益增其所未備未幾寇擁衆復
至遠適釋駭巢獨晏然恃以無恐度巢不可犯竟引去
較昔奔命共休戚安危殆相遠甚父老追思前烈成諸
州守方君介使來京屬余書其事于石以識不忘于嘗
議築州城巢則州之唇齒可藉以爲倚角夫固所樂書
者易曰王公設險以守其國險之時用大矣哉夫城郭
溝池有國者所必設也然川之必有其時南仲以嚴狃
之故而城朔方仲山甫以諸侯之故而城東方時人歌
詠之蓋美其得守備之要也然則集城之築舉數百年
廢墜于一旦之間且能止禍亂于未萌垂治安于永久
官無所費而民不知勞非得時用之義而能若是乎不
然城郭之役春秋方用以爲譏君子奚取焉當今聖明
在上任賢圖治修攘勵精邁乃蕩息餘氛威行海內固
非周業中興之比頃敎侍御淮右功拜京兆而守亦以
治聲尋內補由是保障之功與巢城屹然竝峙以相爲
無瞻顧不偉與是故有可書者俾勒之以慰巢之父老
云

巢縣署近城南相傳爲范增故宅明洪武初知縣陳葉桂廷
用相繼翔建正統二年陳倫重修成化間馮傑重建李進
繼之宏治間林宗哲修葺萬歷閒夏崇謙于後堂建望湖
樓天啟中鄒得魯又加葺焉

國朝康熙三年知縣華芳次第重新自縣衙退省堂留香堂
莞爾亭戒石亭及庫房賓館敵樓譙樓皆其營構嘉慶四
年知縣許肇封捐廉重修

明林宗哲重修縣治記巢縣因巢父以巢爲居得名商
時爲巢伯國故秦魏巢伯來朝春秋魯昭公時城巢則
巢之爲國最古漢建安末周瑜以恩信著爲巢長庶
劉却幾山鳳閣舍人封居巢子則巢之名宜亦卓卓乎
其先其縣治則范亞父故居千數百年更治亂毀復不
一洪武初知縣事桂廷用道制創建正統中陳倫繼政
葺理然風雨震凌旁穿上瀉昔之規制日就摧圯成化
閒築亭馮侯傑以國子生出令願嚙藥日修廢起廢維

介之責謀次第新之首創正廳六楹傍列幕司廳之前
寬發露臺臺之前重葺而道樹成石亭東西翼吏舍二
十楹南鼎儀門者六楹左爲獄室右爲吏舍或創始爲
作或仍舊而脩高深廣狹靡不如制然尤以麗譙樓久
廢非所以崇觀瞻統出入擗飾營度將興復之以秩滿
去東魯李侯進繼治慨然曰馮侯多成績民慕之而麗
譙則尤馮侯之志未成者敢不畢力以竟其美乎乃因
馮舊績捐已貲哀衆緣鳩匠傭工不踰年而輪奐畢飛
遠邇嘉歎宏治庚戌余領命來牧因其已備具其所未
是而潤色焉于是聽訟有堂貯簿書有室泊夫壺漏鼓
角望氣稷警晨昏者亦成綱振目舉矣翌日父老進拜
于庭曰小民幸生無事而安于畝畝衣食者皆我公之
賜也然修政立事使今不爲表暴則或淪於湮沒願公
其闢之宗哲白搗不交將何以慰父老哉竊惟巢木陸
要衝介在江表實戎馬用武之地周轍不西始昉于楚
圍巢吳伐巢孫曹角力復墟兵于濡須塢下此而六代
迭興于戈擾攘荼毒于境內者無虛歲洎乎唐宋中葉
以後田疲于藉鎮縣廢于寇盜而淮西遂視爲邊徼於
乎亦危矣天祐下民太祖君師海內定鼎金陵兩淮在
畿內爲首善之地聖化德澤之所從始分茅胙土咸被
寵光况爲郡縣者非其容觀以爲政令之所由出其得
因仍苟簡鄙陋相襲乎若馮侯之始終拳拳而李侯尤

克襄之皆可謂知爲政大體有功茲邦者夫有功不書
後改之過余故牽連條敘之非直詔後抑以自勉
許肇封譙樓落成詩淮南鎮鑰古居鄴盡棟雲飛眺遠
郊高士唐虞經巢許名賢漢宋仰文包湖光浩蕩搖銀
海山色玲瓏委翠幻我本無家更安往不妨舉外結衡
茅

縣儒學署見學校

典史署在縣署西

鐘樓在縣東大街康熙八年典史劉賦德捐貲倡建

察院在縣治東又有察院公館俱廢

柘皋鎮公館在本鎮城隍廟左明萬歷中高井驛丞吳先芳

建夏閣公館在夏閣

巡檢司署在巢湖東口廢稅課司在縣街左久裁改聖諭亭

陰陽學醫學僧會司在西寺道會司缺裁順治十年復養

濟院在縣東北

柘皋司巡檢署在縣北六十里乾隆三十六年建

鎮巢驛在縣後原係水驛改馬今廢高井驛原在高井舖遷

柘皋鎮康熙八年驛丞張可登修

明龍詩吹遷鎮巢驛記集縣鎮巢驛舊在縣治西國初定鼎金陵凡朝覲往來取道於巢水陸舟車各適其便而驛之建於此爲舟行之便者什七陸行之便者什三自文皇遷都於北陸故驛之馬卒獨勞其岸爲水所齧驛都者亦舍水而陸故驛之馬卒獨勞其岸爲水所齧驛前之道至不容軌使往來每假宿僧房道院以爲一夕之安其取給於驛者廩餼而已用是上下公私稱弗便者非一日余守郡之明年謀諸同寅聞諸當道相與協力而董成之改遷於縣之北門始壬午之春甲申夏告成規模軒豁制度整飭過者爲之改觀於是併舟爲馬使得專於供應而勞佚均自西而北使便於供應而道里均且減金斗驛馬二疋以益之議爲常規而二驛之勞佚亦罔不均焉又明年五月子轉官於蜀過巢新令王大衢學諭許仁請畱一言以紀其成子惟改遷

者厲民之事君子所慎故宣父聞仍舊之言則喜而春秋於營建舉必書要之皆所以重民也苟非便與否之相懸而輒欲去彼以就此是亦輕舉妄動厲民而已爾今茲驛之遷去卑而高舍僻而通易隘而裕凡使者之往來與輿臺之趨役勞逸既相倍蓰而其財費又皆區畫於上民無豫焉則君子亦何所彈而為耶昔文公崇大館舍賓至如歸而孔明之治蜀橋梁道路莫不修繕亦未聞其厲民也使南北之使取道於巢寓宿地所視驛為虛器而有司者乃因陋就簡弗為改圖於建置郵傳之本意得無悖乎此驛之所以不得不遷而非好為是紛紛也子且行爰述顛末為之記若夫嗣而葺之尚有待於後之同志者

際留倉預備倉俱在縣署北

坊 長樂 仁壽 太平 德政 澄清 尙賢 崇善

積善 助順 聚賢 庶寧 永慶 永安 惠澤 聖

賢

街 縣前街 十字街 新城街 西頭街 東河街 西

河街 鐘樓上街 後街 東頭街 北門街 城河圈

街 雙女街祠前 女兒街二一新安鄉一添保鄉 桐

陽街 陳公街 大埠隴街 東山口街

巷 洪山巷 薛家巷 毛家巷 龍家巷 史家巷 張

家巷 石家巷 金家巷 顏家岡巷 桑棗園巷 舊

射圃亭巷 迎仙巷 嶽廟巷 小東門巷 紫薇觀巷

郎家巷 所巷 鍾家巷 俞金巷 五郎廟巷

溥澤巷 施家巷 阮家巷 天王廟巷 羅家巷

陳家巷

市 東口市縣西南十里 高林市縣南六十里

鎮 柘皋鎮見古 縣西北六十里 夏閣鎮縣西北三十里

桐陽鎮縣西五十里 中廟鎮縣西九十里 散兵鎮縣

南三十里 雞啼河鎮俗稱雞皮河縣南五十里 十字

河鎮原名石坎河縣南七十里 呂婆店鎮縣南十里

舖 總舖在縣前 半湯舖接含山界 秀山舖 白塔舖

接無爲州界 金城舖接廬江界 萬家山舖 草鞵舖

夏閣舖 高井舖 分路舖 柘皋舖 東山舖接合

肥界

又新安回車平原三舖廢

鄉 在城轄七里 柘皋鄉七里 新安鄉四里 添保鄉

二里

橋 浮橋聯舟爲渡上設朱欄鐵索百餘丈維之跨城南天

河

明黃道月浮橋記
廬之屬邑曰巢者其地水陸之衝也
巢湖雄據合肥舒廬之勝而巢邑大都據湖之半故邑
獨以巢名巢之城湖水環之不數十里即楊子江江湖
台流商賈輻輳南洋當孔道而居民遊客及出途之旅
詣津歎望洋勢不可可以橋若日以利涉權子長年厲民
告主者將安辭先瓊臺林侯宗哲始創浮橋聚舟而索
之迄今百餘年不改以時啟閉兼讓察隱然壯長暨之
險哉歷歲久修徙靡一形家額謂邑治坐元武正南朱
雀位橋穿水心法當爲主者避康主者所以康百姓仍
舊貫非策已且南離也象司文明巢文運未揚徒之便
馬侯診厥狀進鄉薦紳大夫積父老子弟于庭語以狀
僉曰小南門吉又嶽夙志侯即著日移之鳩工市材朽
者易廢者補損者葺圯者築捐俸經理罔以一糶勞民
焉橋成舟行得所棧陸行不病涉冠蓋使旌繹絡不停
節而問榜人往來交口頌侯功浪沸濤驚與江湖爭洶
湧也僉議立石紀巔末示後守不憚過郡乞余言以記
余惟侯之移橋有順時之政有拯荒之仁而形家之說
不與焉時惟十月水落石出冰未堅合民不重勞先王
之令天根見而梁成侯以之是謂有順時之政巢稼不
秋民不食力移工動寂仰食者多范希文營繕以濟浙
饑侯以之是謂有拯荒之仁蓋新其地不改其制舉乎
益不用乎詘若侯者濟世津梁也侯名如麟字昭父號

禹山嘉興秀水人久以文章名甫仕卽施爲垣赫如此
余不佞衷採巢人之頌而潤色之記侯功亦記巢人頌
頌曰河水湯湯襄裳濡首民之疾矣不可以久錫以津
梁是我父母我父我母來自饑年倉粟幾何乃捐俸錢
且發且補宿於郊廛瞻茲浮橋移諸南浦庶民子來侯
呼侯咻飲之食之莫不鼓舞侯曰勿丞不日而成亘亘
長虹壯觀嚴城以捍奔流作輔帝京匪帝之力河伯孔
棘周餘黎民咸有起色僉曰毋然賴侯之仁仁格于天
利及通津垂惠萬葉鐫伐止珉

見子橋卽北門弔橋 廣濟橋縣東歌賢坊久廢 珍珠

橋二一定林寺前已塞一東門外鍾家巷 施家橋舊名

豐稔縣東城外 馴馬橋縣東蕭公廟前 小虹橋蕭公

廟東 抱書橋見古述 蕭公廟東五里 時熟橋釣魚臺旁

縣東三十里今廢 夏家橋在樂城圩原夏姓建木橋後

李芳春父易以石 普濟橋縣西門外 新興橋近釣魚

臺俗名黃家 西安橋縣西城外 通津橋明景泰僧基
建俗呼和尚在小西門外 西聖橋與通津相近 雙橋
去鳳凰山西三里 鎮南橋在縣河之南 盧家橋去縣
四里寶家坊 黑象橋縣南二十五里 鄔家橋知縣馬
如麟建亦稱馬公縣南十二里 鳳舒橋縣南四十五里
散兵灣橋縣南三十里 石坎橋添保鄉十字河 張
師庵橋縣南六十里 荷葉澗橋縣南八十里 筴橋高
林上五里許 高林橋創自宋時縣南六十里城隍廟前
李公橋鎮巢驛左淤 通駟橋俗名鈞橋今改石麟縣
北門城外 紫薇橋俗名寇家又名韓家縣北七里 半
湯橋縣北十五里 獨石板橋去真閣數里 迓豐橋附

近夏閣 馬公橋夏閣東嶽廟旁 穿橋又名歪橋距夏

閣十五里 探花橋近柘皋三里 孔探橋見古縣北五

十里 玉蘭橋柘皋街 沙澗橋過柘皋十五里 北潭

橋夏閣北十里黃山閣 清水澗橋在北山口 尉子橋

見古 黃山東十里 包家橋縣西北六十里 陳公路橋

在柘皋東州守陳賢才修故名 劉家橋

渡 東口渡縣南便民倉前 柳家渡縣西南晏公廟前今

移陸家灣 羅家渡柘皋河口 蕭公廟前渡 袁家渡

清溪河渡俱新安鄉 雞魚河渡 桐陽河渡 馬尾

河渡 高林河渡 楊家渡 徐家渡 杭家渡 茨家

渡 蔣家渡 三家壩渡 洪家渡

關 東西二關

詳古
迹

小關口縣西去平頂山里許斗陽

關縣西北三十里又名陡巖陡陽